

大日本史記
列傳

廿四



僧
775
卷 24

大日本史卷一百一十五



列傳第四十二

權中納言從三位源光圀
男權中納言從三位綱條校

秦河勝

阿倍御主人

大伴御行

多治比池守

道首名

石川年足 子名足 弟豐成

藤原岳守

清原有雄

丹墀門成

春枝玉

長峯高名

山田古嗣

藤原高房

井南備高直

紀夏井

南淵永河

小野恒柯

橋良基

蜂岡寺即秦廣隆寺見前

秦河勝山城葛野人推古十一年豐聰耳皇子尊崇

佛像欲令群臣拜之河勝進受其像造蜂岡寺以置

之皇極三年東國不盡河上有大生部才多者養異蟲

誑惑鄉里曰此常世神也巫覡等託神語曰祭常世

神者貧人致富老者還少民爭捨財寶陳酒肉於路

傍而呼曰新富入來都鄙祭之歌舞求福委棄貨財

曾無所益耗費滋甚河勝惡其妖術惑民捕大生部

多答之巫覡等恐而止時人作歌稱之日本紀

阿倍御主人本姓阿倍布勢朝臣日本紀持統帝八年書阿倍布勢朝

臣十年書阿倍朝臣續日本紀大寶元年書阿倍普勢臣布勢普勢國音通而改姓年月無所考其

先出自大彥命錄姓氏天武朝累進直大壹持統朝進

正廣肆增封二百戶通前五百戶為氏上仕大納言

假資人八十人日本紀文武以巡察使兼諸國司善

政進叙正廣參續日本紀大寶元年改授

正從二位拜右大臣後兼大納言然本書無所見扶

桑記今亡賜絕五百匹絲四百約布五十段整一萬

口鐵五萬斤備前備中但馬安藝田二十町又以士

申切封一百戶四分之一傳其子三年薨遺正三位

石上麻呂弔賻子廣庭靈龜養老間歷宮內卿左大

辨參議朝政知河內和泉事神龜中至從三位中納

言天平四年薨子島麻呂至參議正四位下續日本紀

大伴御行大連金村玄孫右大臣長德子也續日本紀補仕

壬申之亂從天武帝授小錦下為兵政官大輔日本紀

論切賜封百戶續日本紀大寶元年持統朝進正廣肆益封至

百戶為氏上假資人八十人日本紀文武四年廢諸國

司政績叙正廣參任大納言續日本紀大

寶元年薨年五十六續日本紀補仕帝甚悼惜為罷大射遣

直廣壹藤原不比等就第宣詔贈正廣貳右大臣直

廣肆榷井倭麻呂等監護喪事

續日本紀

皇朝贈官之典

是為始

補

敕賜封四分之一於其子

續日本紀

子御依仕

聖武孝謙光仁朝至出雲守從四位下

續日本紀系圖

多治比池守左大臣島長子也

續日本紀

持統朝授直廣

肆

日本紀

大寶中改授從四位下和銅靈龜間為民部

卿尋為造平城京司長官累進從三位為太宰帥上

言豐後伊豫二國之眾從來置戍不許往還但高下

尊卑不可無別五位以上差使往還不在禁限又薩

摩大隅二國貢隼人八歲而代道路遙隔去來不便

或父母老疾或妻子單貧請限六年又帥以下事力

依和銅二年六月十七日符減半給綿自此以來驅

使乏丁凡諸屬官皆為辛苦請停綿給丁許之養老

元年褒善政賜綾絹絕綿布若干明年任中納言尋

轉大納言進正三位神龜初增封五十戶賜靈壽杖

絕綿俶進從二位天平二年薨

續日本紀

遣使吊賻

家主養老中為出羽國司奏言蝦夷總五十二人切

效已顯酬賞未及仰頌引領久望天恩伏惟勞餌之

未必繫深淵之魚重祿之下必致忠節之臣今夷狄

愚闇始趨奔命久不撫慰恐復解散具狀請裁教量

加賞爵天平中為鑄錢長官勝寶中帝御東院召見

授從四位下寶字四年卒子長野延曆中至參議從

三位續日本紀

道首名位追大壹文武朝與撰律令大寶初奉敕訖

僧尼令於大安寺和銅中進叙從五位下為遣新羅

大使歸為筑後守養老二年進正五位下卒續日本紀

五十六懷風藻首名少治律令曉習吏職其為筑後守

攝肥後事勸勵生業教督耕種至植菜菓養鷄豚曲

盡事宜時躬按行有不遵教者輒譴責之老少竊怨

罵之及收入莫不悅服又興築陂池以廣灌溉肥後

味生池及筑後所在陂池皆是也人蒙其利至今給

躬

足故言吏事者咸以為稱首及卒百姓祠之續日本紀

觀中詔贈從四位下三代實錄孫廣持兼和中為遣唐史

生追褒首名政績改賜廣持姓當道朝臣統日本紀寶

龜中有正五位下佐伯國益者使于東山道覆檢損

田有廉勤之名為河內守及卒追褒贈位一階賜其

家稻千束延曆中神人為奈麻呂為攝津能勢郡領

同時近江蒲生郡大領佐佐貴由氣比丹波天田郡

大領丹波廣麻呂豐後海部郡大領海部常山皆居

職匪懈撫民有方詔並授外從五位下物部志太

成爲常陸信太郡大領出家資周百姓急褒授外從

五位上新治郡大領新治大直進外從五位下播磨
明石郡大領葛江馬養下總援島郡主帳孔玉部山
麻呂並外正六位上或居官不怠煩著効績或分施
私蓄賑恤貧乏事聞履之續日本紀
石川年足大紫獲我連子曾孫也祖安麻呂少納言
小華下火石足有文藻文藻據懷風藻和銅中歷河內守左
大辨太宰大貳天平元年權為參議至從三位年足
性廉勤好讀書最習於治體起家補少判事頻歷外
任天平中叙從五位下為出雲守在官數年百姓安
之帝嘉之賜絕布及正稅三萬束俄為東海道巡察

金光明寺南郡
東大寺一名金光明
明四天王護國寺
聖武帝所賜樓
額今尚存
法華寺有之此是
在法華寺
村國分尼寺也

使遷陸奧守進正五位上除春宮員外亮兼左中辨
進從四位下為春宮大夫先是詔諸國造金光明寺
法華寺而主者怠慢久而不成至是分遣年足及從
五位下阿倍小島布勢宅主等檢察勝寶元年進從
四位上以式部卿兼紫微大弼拜參議是歲宇佐大
神憑語欲至京師事聞年足與藤原魚名等為迎神
使踰月奉神輿入京師五年叙從三位為太宰帥寶
字元年改神祇伯兼兵部卿仕中納言進正三位賜
勲十二等奉敕與惠美仲麻呂等改易官號敕各上
意見年足上封事曰臣聞治官之本固據律令為政

之要應須格式方今科條之禁雖著簡牘別式之法
未有制作伏乞作別式與律令並行遂作別式二十
卷其餘目各繫本司雖書未施行而時頗雜用其法
尋爲御史大夫以遷都賜稻四萬束六年薨年七十
五遣攝津大夫佐伯今毛人信部大輔大伴家持弔

賻

續日子名足
本紀

名足寶字中歷下野伊勢備前守神護中自備前奏
曰藤野郡者地是薄墾人尤貧寒差科公役觸途忽
劇兼山陽之驛路帶西海之達道人少佚繁何能久
辨請割邑久郡香登鄉赤坂郡珂磨佐伯二鄉上道

郡

トロイ

物理肩背沙石三鄉隸藤野郡從之景雲初兼陸

奧鎮守副將軍陸奧伊治城成履授正五位上尋遷
大和守代田中多天麻呂爲陸奧守寶龜中歷民部
大輔太宰大貳左右大辨拜參議延曆中進叙從三
位任中納言兼兵部卿皇后宮左京大夫薨年六十
一名足強記有口辨割斷無滯然性頗褊急好斥人
之過議事不合極口而罵以故諸司取官曹進止者
值名足聽事多不盡言而退

續日
本紀

嘗奉敕與修文武

至孝謙實錄

類聚
國史

年足弟豐成

豐成勝寶中補右少辨東山道巡察使寶字初爲京

畿內問民苦使補左中辨六年授從四位下轉右大
辨兼尾張守拜參議神護初為太宰帥進叙從三位
上言防賊戍邊本資東國之軍持眾宣威非惟筑紫
之兵今割筑前等六國兵士以為防人以其餘分番
上下人非勇健防守難濟望請東國防人依舊配戍
敕曰修理陸奧城柵多興東國力役事須彼此相量
各均其勞今聞東國防人多留筑紫宜加檢括且以
馳戍簡六國所點計其所欠差點東人以填三子斯
乃東國勞輕西邊兵足是歲命畿內七道巡察使但
西海道令府勘檢尋為宮內卿寶龜初兼右京大夫

授正三位任中納言三年薨敕遣使吊賻

續日本紀

藤原岳守從四位下三成長子也少遊大學涉史傳
工草隸資性寬和士無賢不肖傾心引接天長中侍
仁明帝於青宮應對左右舉止閑雅甚所器重為內
舍人尋丁父憂哀毀過禮仁明即位除右近衛將監
倣遷內藏助兼和中進叙從五位下兼讚岐公歷左
馬頭左少辨以聾耳不便聽受固辭之出為太宰少
貳適得元白詩筆上之帝甚耽悅進位一階實錄數
年入為左近衛少將累進從四位下再為左馬頭權
右近衛中將兼美作守嘉祥初遷近江守

續日本後
紀文德實

錄有殊政百姓悅服既而罷歸無復榮進之心論者

高云仁壽元年卒文德實錄子滋柯近江掾尊早分祿

清原有雄天武帝五世孫也父貞代王從五位下大

監物紹運錄尊早分祿以貞代王為舍人親王子誤有雄有風操通政事武

部卿葛原親王葦為正親佑兼和中進叙從五位上

為越前守歷玄蕃頭中務大輔遷攝津守境內安靜

黎庶悅服倉廩充實政化大洽嘉兼二年以治績最

著授從四位下明年遷肥後守天安元年進從四位

上卒于官百姓追慕焉文德實錄

丹墀門成父曰豐長為內藏助門成大同初歷少判

事大和天長中授從五位下為丹波外土民鹿

戾舊號難治門成泣以猛政廳事之前笞杖疊積數

年部內大治兼和中為彈正少弼遷刑部大輔任武

藏權守續日本後紀逾年為真所部曠遠盜賊充斥

臨職不久風俗肅清奸猾斂迹遷大和守搏繫豪右

無所回避境內夷晏百姓戴之仁壽三年叙正五位

下卒于官門成雖無學術長于吏事所至風聲樹立

時人稱焉文德實錄

春枝王左京人三品忝壁親王之後也續日本後紀父仲

嗣王從五位下春枝少仕嵯峨帝為人謙遜有文才

敦崇佛道兼和初為越後从頗著政績十年以新遭
大喪妙簡司牧春枝中選叙從五位下任能登守田
野荒廢百姓疲弊春枝悉心經理泣職數年民庶猶
息部内大安仁壽中歷中務少輔正親正齋衡中進
從五位上為下總守以病不之仕隱居養病詔給節
祿位祿等一准見仕三年卒年五十九文德實錄子岑王
兼和中賜姓清瀧真人續日本後紀
長岑高名右京人幼而入學年二十一補文章生歷
式部民部二省少錄少内記以貧請外天長元年除
安房掾數年入歷左右少史轉左大史文德實錄兼和元

年為遣唐使判官續日本後紀按文德實錄為遣唐
年以高名為遣唐判官六年歸朝書曰判官長岑高
名准判官藤原貞敏據之則准判官別有人故從之
自正六位上進外從五位下兼大膳亮美作權从續
本後紀文德實錄從大使藤原常嗣赴唐在道進一階常嗣
以船中雜事一委高名時副使官小野篁至太宰府
稱病不行以故高名至唐得從大使而上殿文德實錄歸
進一階除伊勢从進正五位下特旨召為嵯峨院別
當歷山城阿波守遷伊勢守兼齋宮權頭續日本後
錄除播磨守齋衡中累進正四位下仕右京權大夫
高名清直奉公前後守七國皆嚴明百姓不擾常戒

子孫曰吾素清貧家無斗儲瞑目之日必從薄葬天安元年卒于官年六十四

大德實錄

山田古嗣左京人父益人外從五位下越前外古嗣天性篤孝廉謹寡言幼喪母敬事從母嘗讀書傳至樹欲靜而風不止子欲養而親不在流涕不禁卷帙爲之沾濡後丁父憂哀毀過禮天長三年爲陸奧按察使記事入歷少內記外記轉大外記公卿有異議每諮詢焉古嗣推薦文士多見舉用

大德實錄

兼和中

利仁壽中入爲左京亮

續日本後紀

進從五位上任相摸

權从卒于官年五十六

大德實錄

藤原高房參議藤嗣子也身長六尺臂力過人有意氣不拘細謹仕嵯峨淳和二朝爲右京少進式部大丞天長四年授從五位下任美濃从威惠兼施屬託不行發姦搗伏盜賊屏息安八郡有陂渠提防決壞土人相傳陂渠有神不欲遏水逆之者死故前守因而不修高房發民修之曰苟利於民死不恨矣由是溉灌流通後世賴之席田郡有巫爲妖術咬心黨與蔓衍民被害長史恐怖不敢入其界高房單騎馳入

捕而伏罪妖害遂絕歷備後肥後越前守所在著稱
焉仁壽二年卒年五十八文德實錄子山陰自有傳

其南備高直敏達帝之後父清野實龜中以大學大

允為遣唐判官延曆中歷肥前守兵部少輔至武藏

从續日本紀續日本後紀高直身長六尺二寸少為文章生善

屬文工琴書大同弘仁間歷太宰少監西海道觀察

使判官左近衛將監叙從五位下累歷陸奧上野从

天長中遷常陸守有惠政會林訪使緣前司所犯并

坐高直停登務吏民感其德化競遺資用高直素被

嗟峨上皇眷顧未幾仕攝津守兼和初累進從四位

下丁母憂哀毀過禮殆至滅性三年卒年六十二續日本後紀

紀夏井左京人大納言古佐美之曾孫父善岑美濃

守從四位下三代實錄系圖夏井為人溫雅有才眉目踈朗

長六尺三寸兼和初以善隸書待詔授文堂就參議

小野篁受筆法篁歎曰紀三郎可謂真書之聖文德

帝即位詔召見之衣履踈弊左右咸笑云帝曰是疲

駿也非汝等所知遂得殊寵嘉祥三年擢少内記齋

衡中兼美濃少掾讓之異母兄大枝轉大内記檢從

五位下遷右少辨帝以其清貧無居處賜宅一區夏

井秉志忠直時有規諫帝逾重之尋進從五位上兼
播磨介又兼式部少輔未幾爲右中辨性聰敏臨事
不滯恩寵優渥任用轉重內外機務多所輔益及帝
崩出爲讚岐守政化大行吏民安之不恐相欺秩滿
將歸百姓相率詣闕乞留更留二年勅度般富倉粟
充實於是新造大藏於土郡總四十字皆糙納以爲
不勸之蓄及去吏民贈遺一無所受歸都之後就送
其家夏井唯留紙筆其餘悉還之貞觀七年仕肥後
守母石川氏聞而哭之人問其故曰聞肥後風俗國
宰至清身心不全吾子其不終乎夏井有異母弟豐

城爲人放誕歎加切責豐城苦之遂託身大納言伴
善男及善男敗豐城爲善男之從夏井以緣坐流于
土左私歎曰凡法律所謂首從之坐必有差降予是
從之兄亦緣坐也今與首同遠流何無別哉隨便出
境肥後民庶遮路悲哭過讚岐境百姓老幼逢迎道
路哭聲相接數十里數年母亡居喪過禮建草堂藏
骸骨嚴皆無異生時雅察佛教日讀大般若經五十
卷以終三年之喪夏井多藝克聘唐使貞及堂父善
岑爲美濃守少勝雄爲介夏井時十餘歲習圍碁於
少勝雄一二年間殆過之又善射覆文德帝與宮人

少勝雄時有
伴少勝雄者善
奕碁延曆中以
藝

為藏鈎之戲密令夏井筮之標著布卦曰有小女著
青衣首挿白谷鈎在其左手帝乃探得大悅又精醫
藥在土左自往山澤采藥合煉施之民間多得其驗
有一人中風被髮狂走夏井與一匕散藥立愈其得
効率此類也三代實錄
南淵永河右兵衛佐槻木光之孫也本姓坂田父奈
氏麻呂散位從四位下永河嵯峨帝龍潛之時與朝
野鹿取等侍讀書大同初為少外記及帝踐祚遷民
部少丞授從五位下任但馬介歷民部治部少輔累
遷右近衛少將尋歷左右中辨遷治部大輔叙從四

位下任內藏頭特敕為冷泉院別當兼越前守與兄
正五位下弘負陳父先志賜今姓兼和申為太宰大
貳政以仁愛為本民庶仰慕入拜刑部卿歷播磨近
江守至正四位下續日本後紀尋致仕仁壽初朝廷
以其宿老優授下野守不赴仕頃之轉因幡權守天
安元年卒年八十一文德實錄子年名天長末補文章生
為少內記逮仕仁明文德清和陽成四朝歷職內外
至大納言正三位薨年七十文德實錄小野有山莊
常聚耆老為尚齒會皇朝尚齒會是為始著聞集
小野恒柯右京人父瀧雄出羽守正五位下恒柯少

小野山莊在安名郡
修學院村北赤山
地其遺址

好學有文才最工草隸兼和中為少內記轉大內記
歷美作掾近江大掾出為太宰少貳仁壽中為右少
辨歲餘任播磨守治貴簡要不有所建明以故無赫
赫之譽性矜傲舉止任情無所矯飾書迹之妙冠絕
當時世所模楷聲價甚高得其尺牘者莫寶愛焉負
觀初進從五位上平年五十三三代實錄
橘良基左京人左大臣諸兄之後也祖常主參議補
職事父安吉雄攝津守良基幼而篤學早有風概明
補仕練治體清正立己仁壽三年除左京少進數年遷民
部少丞天安初太宰大貳正躬王妙選僚屬請良基

為少監以非其好不肯赴帝怒奪其官貞觀元年起
為木工少允遷式部少丞尋轉大丞六年授從五位
下任伊豫權從政有能聲十一年叙從五位上遷常
陸从秩既滿新司拘留不遣十六年朝議以無負累
擢為越前守元慶中進正五位下任丹波守以幹理
稱進從四位下遷信濃守勸督農耕輕其租課家有
贏儲戶口繁衍治為當時之最然而情在進取不能
以退素自守又性強梁無所推屈已之所惡雖僚佐
未嘗含容焉仁和元年本州筑摩郡民卒大耳秋子
為怨家坂名井繩麻呂等被燒居宅家口八人焚死

秋子詣太政官訴之遣使推訊子繩麻呂等兼服乃
使禁子繩等至京師良基故縱子繩等更捉秋子令
子繩等以他物歎傷秋子秋子訥寬太政官下符放
秋子譴責良基曰既遣敕使推問辨紕若有出入國
有恒典而率意變更縱官長獨犯察屬何不諫爭乎
詔少監物布勢敏行推問之敏行還奏良基對捍詔
旨於是召良基下於刑部省推斷未竟卒年六十三
良基素清貧家無儲畜中納言在原行平賻以絹布
得殯葬焉良基歷五國守每秩罷歸不載資糧教子
孫以潔身子在公嘗問治國之術答曰雖有百術不

如一清其操守如此三代實錄子澄清延喜中至從三位

中納言補澄清子忠正從五位下攝津守圖先是王

及源藤橘氏皆有氏長者號其氏第一人為之唯橘

氏衰微雖有長者號止知學館院領而已其氏爵以

是定舉叙之江家次第所謂是定者擇其人命之職原抄

抄攝津守藤原中正妻澄清女也生女侍攝政兼家

生大納言道隆以故詔道隆為是定知學館院事自

後橘氏叙爵皆屬藤原氏職原抄公事根源

天保十三壬寅年七月二十三日謹書寫之

中村萬喜直道

大日本史卷一百一十六

列傳第四十三

權中納言從三位源光圀修
男權中納言從三位綱條校

高向玄理

秦朝元

阿倍仲麻呂

藤原清河

大伴古麻呂

膳大丘

平群廣成

高元度

內藏全成

清海惟岳

高向玄理初稱高向漢人又名黑麻呂推古十六年
小野妹子使于隋詔遣玄理等書生受學於隋玄理
留學三十三年舒明十二年業成而歸大化元年舉
國博士位小德冠二年使于新羅得貢其質罷仕那
之調踰歲而歸新羅令上臣大阿滄金春秋護送之
因以春秋為質五年與僧旻同兼詔議置八省百官

尋為大錦上

本書註一
云大華下

白雉五年為遣唐押使與大

使小錦下河邊麻呂副使大山下藥師慧日判官大

乙上

本書註一
云小山下

書麻呂宮網田小乙上岡宜置始大

伯小乙下中臣間人老田邊鳥等分乘二船漂流數

月取新羅道泊萊州遂入長安見高宗時永徽五年

也東宮監門郭文舉歷問皇朝輿地國初神名皆隨

問而答遂卒于唐

日本
紀

秦朝元大僧辨正滑替善談論涉玄學大寶中敕入
唐學問當玄宗在藩以善慕麗二子朝慶朝元辨正
及朝慶皆死于唐朝元歸仕朝廷
懷風
藻天平初敕教

弟子二人漢語續日本紀四年為遣唐判官至唐玄宗以

辨正故厚賜之懷風至從五位上歷圖書主計頭而

卒續日本紀

阿倍仲麻呂續日本紀續日本中務大輔船守子也

性聰敏好讀書叙從八位上靈龜二年中選為遣唐

留學生時年十六入唐學問僧顯昭古今多所該識

易姓名曰朝衡玄宗授左補闕為儲王友新唐書日

今集抄曰唐朝賜姓朝名衡字仲未知遷秘書校書

親是且下所引王維等詩朝或作龜遷秘書校書

儲光義集贈朝校書衡詩曰萬國朝天中東隅道最

長朝生美無度高駕仕春坊出入蓬山東道遙伊水

傍伯鸞遊大學中夜一相望落日懸高殿秋風入洞

房屢言相去遠不覺生朝光按此云仕春坊今推年

紀蓋仕肅宗於東後至秘書監無衛尉卿勝寶中遣

宮也然他無所考

唐大使藤原清河至唐唐主命仲麻呂接之日本高

文及清河還仲麻呂欲與歸古今集抄本書曰仲

抄遣使於唐仲麻呂欲與歸麻呂今集抄本書曰仲

本紀靈龜二年多治比縣守為遣唐使自後天平五

年多治比廣成勝寶四年藤原清河也而日本紀畧

延曆二十二年贈清河位一節曰勝寶四年為聘唐

大使天寶十二年載與留學生朝衡同舟歸朝且下所

引王維序有曰我開元地大寶聖文神武應道皇

帝今推年紀天平五年當開元二十一年勝寶四年

當天寶十一年載考唐書玄宗受尊號在天寶八載據

之本書所載因為使乃賦詩曰街命將辭國非才忝

者蓋清河也

侍臣天中戀明主海外憶慈親伏奏違金闕駢駢去

玉津蓬萊鄉路遠若木故園隣西望懷恩日東歸感

於天子司儀加等位在王侯之先掌次改觀不居
 夷之即我無爾詐爾無我虞彼以好來廢關弛禁上
 敷文聖負笈辭親問故民雜居往來如市朝司馬結
 髮遊丘遂適於宗周鄭獻縞衣歸於高國於魯借車
 馬孔丘至容卿必齊之顯願以君羹遺母不居一猶
 成應何獨於由余遊官三不歸於高國於魯借車
 晉欲其書錦還鄉莊賜之關羽懷敬問而終
 去於簡玉字傳闕衷足絕域之命賜之衣樽致分器
 詔異姓之國瑯琊臺上迥望龍門石館前樽致分器
 於鯨魚噴浪則萬里倒迥望龍門石館前樽致分器
 桑如薺之鬱島如萍沃白而簸三雲則蒼天而吞九
 域黃萑可寄風去帝鄉之氣舊謁本朝之居臣詠之
 相思之可寄風去帝鄉之氣舊謁本朝之居臣詠之
 字之辭燕而老印恢我度論歸蕃而逾寸猶在
 樂毅辭燕而老印恢我度論歸蕃而逾寸猶在
 行乎辭燕而老印恢我度論歸蕃而逾寸猶在
 歸補之文苑英華載此詩為胡衡作
 東歸詩曰上才生下國東海是西隣九譯蕃君使千

義辰平生一寶劍留贈結交人
 近世林胡怒者論曰胡朝字相似且張尚書右丞王維
 氏唐雅胡作朝可以為證今從之
 為詩并序送行包估趙驂等皆贈以詩書電監送日秘
 本國詩曰積水不可極安知滄海東九州何處遠萬
 里若乘空向國唯看日歸帆但信風中別離方異域音
 眼射波紅樹扶桑外主人孤島中
 信若為通古世編載王維送朝監還日本國序曰
 舜觀群后苗不格禹會諸侯防風後至動于戚之
 元興斧之乃神武應道皇始領五瑞之行光天布
 化乾元廣大運聖文無垠若華為帝道之標戴勝為
 門舍於蒲葑心于館昆彌遺使報以苞茅之錦呼韓
 朝以將厚意服齒器不用寶遠物百神受職日衣本
 期况乎載髮含齒得替不親屈膝海東諸國衣本
 大服聖人削有達繼舊好於行正朔李乎夏時貢衣
 乎漢制歷歲方達繼舊好於行正朔李乎夏時貢衣

年聖主臣野情偏得禮本性本含真錦帆乘風轉金
裝照地新孤城開閤曉日上車輪早議來朝歲空
山玉帛均蓋巨卿仲既而至明州與唐人別仲麻呂
麻呂字也然無所考既而至明州與唐人別仲麻呂
望月張然詠和歌曰阿麻能波羅布利仇計美禮波
加須我奈流美加仇能夜麻珥以底志豆岐加乞因
寫以漢語示之衆皆感嘆古今集上九日記按土左
宇那海上遭風漂泊安南日本紀唐羅傳以為仲麻呂
波羅海供奉李白作詩哭之李白集哭罷帝都征
溺死翰林供奉李白作詩哭之日本集哭罷帝都征
帆一片繞蓬壺明月不歸中麻呂與清河復入唐
沈碧海白雲愁色滿蒼梧中麻呂與清河復入唐
按新唐書天寶十二歲唐上元中擢左散騎常侍安
南都護新唐書至光祿大夫兼御史中丞北海郡開國

公食邑三千戶續日本後紀大曆五年正月卒于唐
年七十代宗贈潞州大都督賈我寶龜元年也紀畧
為清河事蓋本條脫缺清河仲麻呂事混為一也今
據續日本後紀兼和三年詔文古今集抄引國史及
帝王系圖定之江談抄曰仲麻呂在唐被拘死樓
上古備真備之唐逢仲麻呂屬其事怪誕今不取
仲麻呂嘗作書寄鄉親附之新羅宿衛王子金隱居
歸是歲新羅使金初正持其書至續日本紀仲麻呂在唐
凡五十餘年雖身榮貴思歸不已言及鄉國未嘗不
悽惻也古今集抄寶龜十年敕曰前學生阿倍朝臣仲麻
呂在唐而亡家口單乏葬祭有闕其賜東絕百匹白
綿三百匹續日本紀兼和三年因命遣唐使贈正二品

詔曰故留學問贈從二品安倍朝臣仲滿身涉鯨波
業成麟角詞峯聳峻學海揚濤顯位斯昇英聲已播
如何不慙莫遂言歸唯有揆天之章長傳擲地之響
追賁幽壤既隆於前命重叙崇班俾給於命詔續日本後
紀按贈從二品諸書不經見疑延曆二十在
二年贈清河位時予紀畧脫缺今無所考

藤原清河中衛大將房前第四子也大平中叙從五
位下為中務少輔遷大養德守進從四位下勝寶元
年拜參議二年為遣唐大使四年賜節刀赴唐授正
四位下續日本紀至難波帝遣高麗福信犒以酒肉賜御
製和歌萬葉集至長安見玄宗玄宗曰聞彼國有賢君

今觀使者趨揖有異乃號日本為禮儀君子國命阿
倍仲麻呂導清河等視府庫及三教殿又圖清河貌
納於蕃藏中及歸玄宗賜詩曰日下非殊俗天中嘉
會朝念余懷義遠矜爾畏途遙漲海寬秋月歸帆駛
夕飈日驚彼君子王化遠昭昭特差鴻臚卿蔣杻
送至揚州按杻疑有訛誤然無所考使魏方進供給是時何倍
仲麻呂請歸國玄宗許之清河又私請揚州龍興寺
僧鑑真與俱乃與仲麻呂同舩而發逢風漂泊安南
高僧傳要文抄紀至驩州所帥多為土人所害清河
畧延曆二十二年僅免復歸長安遂留仕唐續日本紀改名河清紀畧延曆
二十二年

為特進秘書監寶字中以高元度為迎入唐大使使
與渤海使還國同發賜書渤海王大欽茂護送元度
等達唐大欽茂令遣其輔國大將軍高南申來聘上
牒曰迎藤原河清使等九十九人方今唐朝祿山先
逆命思明後作亂內外騷擾未有平殄欲導使者恐
被殘害欲且還之慮違聖意因令正使高元度等十
一人往唐迎河清判官全成等歸天朝故差此使奉
報委曲并獻河清表詔報曰遣唐大使藤原河清久
不來歸朕所鬱念也而王遣南申齊河清表入朝王
之款誠實有嘉焉矜河清久在異域遙授文部卿元

度至唐以亂故不得朝見久之肅宗令內使宣教曰

特進秘書監藤原河清今依使奏欲遣歸國唯恐殘

賊未平道路多難元度宜取南路先歸復命

紀畧所載教文

與此異未
知何據

於是元度留錄事羽累翔等而還河清遂

不得歸朝廷又遙授常陸守八年陞從三位

續日寶本紀

龜中新羅使再獻河清書七年命遣唐使賜河清書

曰汝奉使絕域久經年序忠誠遠著消息有聞故今

日聘使迎之賜絕一百匹細布一百端砂金大一百

兩宜能努力與使共歸相見非賒特不多及九年遣

唐使歸河清女喜娘從之暴風船破喜娘與判官大

伴繼人等同漂著肥後天草郡按喜娘結末河清遂

漢于唐計開贈從二位續日本紀延曆中家人請捨家為

寺號齋恩院國類聚二十二年詔曰入唐大使贈從二

位藤原朝臣河清命充朝修聘唐國既而歸船漂

蕩物故他鄉可贈正二位紀兼和三年因命遣唐使

贈河清從一品詔曰故入唐大使贈正二位藤原朝

臣河清可贈從一品昔膺帝簡遠效皇華不利歸帆

還若漂梗終在殊域做從閩川騰彼云亡良深嗟悼

特加異代之寵以申追遠之恩續日本

大伴古麻呂道臣命之後也姓氏錄按鎌倉鶴岡社

大伴古麻呂者武內宿禰子小柄宿禰十九世孫然

諸書無所見考續日本紀寶字中攝奈良麻呂與大

伴佐伯而氏謀廢立條古麻呂實勝寶元年為左少

道臣命之苗裔也未知系圖何據

辨二年為遣唐副使六年歸自唐奏曰天寶十二載

元會唐帝御合元殿受賀是日以我使列西畔第二

吐蕃下新羅使列東畔第一大食國上臣爭曰新羅

朝貢日本國久矣而今反列東畔上義所不當於是

將軍兵懷實見臣不肯顏色即引新羅使就吐蕃下

我使列大食國上應對稱旨轉左大辨至正四位下

寶字初兼陸奧鎮守將軍按察使攝奈良麻呂謀廢

立古麻呂黨之事露鞠問杖死初古麻呂等如唐有

肥前松浦郡人川部酒麻呂為第四船舵師及歸船
尾失火煙焰覆艦而飛眾皆惶遽酒麻呂迴舵轉舟
手爛不動因撲滅之以功授十階補本郡員外主帳
寶龜中進外從五位下續日本紀

膳大丘勝寶四年隨遣唐使入唐按大丘入唐疑為判官或錄事然本

書前此歸為大學助教景雲中上言臣前入唐問先

聖之遺風覽膠庠之餘烈國子監有兩門題曰文宣

王廟有國子學生程賢告臣曰今主上大崇儒範追

尊為王鳳德之徽于今至矣皇朝准舊典猶稱前號

誠恐乖崇德之情失致敬之理大丘庸闇斯行諸

敢陳管見以請明斷敕稱文宣王寶龜中至外從五

位下為大學博士無豐後外續日本紀

平群廣成叙正六位上天平五年隨遣唐使多治比

廣成如唐六年將歸發蕪州遭風飄至崑崙國按曲江集

玄宗敕書遇賊寇剽及觸瘴死也者一百餘人唯廣

成等四人僅得免崑崙王給糧處之惡地明年欽州

孰崑崙至偷載廣成以歸于唐遇留學生阿倍仲麻

呂仲麻呂以事奏唐主請令取渤海路歸本邦玄宗

許之乃給船糧十年發登州至渤海王欽茂厚待之

期來春護送會欽茂遣其臣昏德等來聘廣成苦

請與歸入海又遭風昏要德等溺死廣成率餘衆得
至出羽其在唐朝廷憫久勞異域遙授外從五位下
及歸叙正五位上尋爲刑部大輔東山道巡察使改
式部大輔兼攝津大夫勝寶初至從四位上武藏守

五年卒

續日本紀

高元度不詳世系初遣唐大使藤原清河留唐不歸
寶字三年命元度爲迎入唐大使使授外從五位下
與渤海使同發元度從渤海賀正使揚方度等往唐
遙授元度能登守肅宗許遣清河使元度先還賜甲
冑一具戍刀一口槍一竿矢二隻曰屬祿山亂多失

兵器欲以牛角造弓聞日本多牛卿歸求牛角託使
以進命中謁者謝時和護出續州與刺史李岫議造船
一艘長八丈差押水手官越州浦陽府折衝賞紫金
魚袋沉惟岳等九人水手浦陽府別將賜緣陸張
什等三十人送至太宰府朝廷遣從五位上毛野濱
廣外從五位下廣田小床等於安藝造船送唐使教
畿外諸道除西海道外貢牛角七千八百隻以遺于
唐元度入京師進從五位上爲參河守又爲左平準
令後坐事而流本書失地名
續日本紀
內藏全成寶字中爲迎入唐大使判官至渤海其王

大欽茂議使高元度等十一人赴唐令全成等歸朝
奏事遭風漂著對馬既而入京師寶龜中補大外記
兼越後外改敕旨少輔天應元年為征東副使陸奧
守征蝦夷以功進正五位上授勳五等兼鎮守副將
軍延曆中歷大藏大輔內藏頭讚岐守至從四位下

續日
本紀

清海惟岳唐人也本姓沈越州浦陽府析衝賞紫金
魚袋寶字中高元度自唐歸惟岳為押水手官護送
元度至太宰府敕遣參議藤原真光饗賜惟岳等大
宰府上言唐副使紀喬容已下三十八人共言大使

沈惟岳賦汗已露不足率下副使紀喬容司兵晏子
欽堪充押領伏請進止府官高量所言有實詔報曰
大使副使並唐敕使謝時和蘓州刺史所量定不可
改張將發風波不順敕府依例供給高麗使王新福
來告廣平王攝政史朝義稱帝鄧州襄陽已屬史家
李家唯有蘓州道路未通敕太宰府安置惟岳等並
賜時服惟岳遂留而不還授正六位上寶龜中至從
五位下賜今姓編左京延曆中為美作權掾

續日
本紀

天保十三壬寅年七月廿六日謹書寫之

中村萬喜直道

大日本史卷一百一十七

列傳第四十四

權中納言從三位源光圀修
男權中納言從三位綱條棟

長屋王

藤原廣嗣

橘奈良麻呂

小野東人

長屋王高市皇子長子也
公卿補任
紹運錄慶雲初叙正四位上
和銅二年進從三位為宮内卿轉式部卿益封

百戶靈龜中授正三位養老二年任大納言五年進
從二位拜右大臣賜帶刀資人十人元明上皇不豫
召入託後事尋賜稻十萬束粟四百斛神龜元年進
正二位轉左大臣天平元年二月添部君足中臣宮
處東人譜王曰長屋王私學左道欲傾國家即夜遣
使固三關令式部卿藤原宇合衛門佐佐味蟲麻呂
左衛士佐津島家道右衛士佐紀佐比物等將六衛
兵圍王第明日遣一品舍人親王新田部親王大納
言多治比池守中納言藤原武智麻呂右中辨小野
牛養少納言巨勢宿奈麻呂等窮問賜自盡續日本紀年

發

嫉
醜

四十六補任但懷風藻為年五十四未知孰是○後
唐名僧拾遺往生傳曰長屋王好佛法製于袈裟施
興寺長屋王奉教供養諸僧有一沙彌濫行乞飯王
擬之破其頭遂死人皆識王後有嫉王者讒于帝曰
王欲傾國家故當法會之日行不善帝大怒遣兵圍
彌蓋下昏所為而死今考往生傳其殺沙彌夫人二品吉
備內親王子從四位下膳夫王無位桑田王葛木王
釣取王皆自縊收家中男女繫左右衛士兵衛等府
遣使葬王及夫人於生馬山敕曰吉備內親王無罪
宜準例葬唯停鼓吹其家令帳內並從放免長屋王
因犯伏誅雖準罪人其葬事莫過儉薄外從五位下
上毛野宿奈麻呂等七人坐與王交通處流餘悉原

免遣右大臣石川石足等就王第鈴鹿王第宣敕曰
長屋王昆弟姊妹子孫及妾合緣坐者不問男女咸
皆赦除於是曲赦左右京大辟已下並免緣王之事
徵發百姓雜徭褒賞君足東人竝叙外從五位下又
敕王弟姊妹男女見存者預賜祿之例東人後為右
兵庫頭有左兵庫少屬大伴子蟲曾事王蒙恩遇後
十年東人偶與子蟲圍碁語及王之事子蟲憤發而
罵拔劍斬之續日本紀○本書長屋王官位寶字七
年十月書左大臣正二位寶龜五年十
二月書左大臣從一位蓋
贈從一位歟今無所考王賦詩詠歌當時才士多
遊其門初王獲罪也子男皆生死唯安宿王黃文王

山背王以藤原不比等外孫得宥死安宿王天平中
歷玄蕃頭治部卿勝寶中為中務大輔至正四位下
遷播磨守兼內匠頭寶字元年王及黃文王黨橘奈
良麻呂事覺並妻子流佐渡黃文王携掠杖下死寶
龜四年赦賜姓高階真人山背王歷右大臣人頭但
馬守奈良麻呂之變兄安宿王黃文王黨之山背王
告之廢帝廢之授從三位賜姓藤原名弟貞數年兼
押宮大弼至參議兼禮部卿續日本紀
藤原廣嗣式部卿宇合長子也生而魁偉頭上肉角
寸餘博覽典籍兼通佛教武藝絕倫練習兵法其餘

天文陰陽之書管絃歌舞之伎咸究精微以才能稱

松浦社天平中叙從五位下為大養德寺遷太宰少

貳續日時吉備真備研數術數好搜入猜見廣嗣謂

人曰此人必為世患本緣起僧玄昉為僧正居內道場

寵榮日盛乖沙門業時人惡之續日屢稱說法近侍

藤原皇后頗有醜聲聞於外廣嗣請斥之帝不納皆今

物語盛妻有姿色廣嗣赴仕留居京師玄昉欲茹之

妻告之宰府廣嗣大怒本緣起○本書曰廣嗣速歸

嗣天下才士必有異圖今考續日十二年八月上表

行政事之得失陳天地之災異請除玄昉真備續日

建

曰臣聞天子有爭臣七人不失天下諸侯有爭臣五

人不失其國是故三王御國恐有過而不聞五帝治

世懼忠言之不達或懸旌進善或置木石謗伏惟陛

下乃神乃聖克文克武重華放勛何得聞然可謂黃

河一清幸逢聖運也但聖人十慮或有一失頃小人

道長君子道消上下情隔民不安堵加以昊天告譴

嗟若丁寧群臣上下未聞極言臣子之道豈若斯哉

臣家開闢以來及至今日鼎食累世冠蓋相連恩賞

超於呂霍榮寵類於伊周履載之恩死而不朽豈如

荆軻感一旦之恩為燕報讎張良思五世之寵為韓

滅秦而已雖觸龍辯不敢不陳臣聞皇之不極謂之
不躐時則昊天示變丁寧君上若改過修德轉禍為
福知而不改天則罰之然則天平五年至十一年周
六歲太白經天此間疑有脫文案劉向五記論曰太白少陰
弱不得專行故以巳未為戾未得經天而行經天則
晝見其占為兵為大臣為民主強國弱主弱國強臣
勝主此之攻占可畏也勝主上下疑有脫文去天平
攻字文義不通蓋訛
十一年十一月二十七日太白晝見在心度日正午
時見未申上有芒角最可畏之摠在申日摠字疑訛
今推于亥
二十七日乙卯也
在申日蓋脫誤心為天王海內主故置積率而衛

已五里極此度而有變者主者惡之雖魏晉末代君
臣同床時未有太白少陰在心上而晝見也天平十
一年正月二十九日災可畏太史所知故不復陳二
月二十九日夜半地震蕭牆之內又詳太史所奏故
不煩重十二年二月陰獸登樹奪陽鳥之巢以五行
傳按之恐有賊人奪君位之象乎臣愚一矣讖記曰
胡法滅國亡項者佛法漸頹最可畏也何則結集正
教之日十地菩薩四果聖人咸集一處而誓言從此
結集以後一言一字不得增減然則增者失音音疑
音字
訛減者迷律傳內律教禁斷著正五位也而命僧正

玄昉恒著紫綬袈裟一項違正法令諸僧尼漸深邪
道豈如此乎豈如此乎似不與上句相屬疑此句上有脫文又諸如來三乘
教中未曾聞流放僧尼例僧尼有罪即苦使耳而今
玄昉私制邪律流放僧尼內挾舐糠之心外曜指鹿
之威佛法之賊莫甚於此又出家人者離出國家如
牢獄牢字上蓋脫一字棄捨妻兒如著枷鎖箸字疑記不得畜養
奴婢牛馬酤酒屠肉耕作商賈而今玄昉畜養奴婢
興作舍宅聚積財寶釀酒屠肉作農商侶一同白衣
法滅之漸彌崩外道之跡頓起一何悲哉又出家人
者一切衆生大導師故堅制威儀以導三者又僧生

者佛法網紀法之興廢緣此一僧然此僧無頭陀安
居種種威儀而香花飾身愛著女色宛如白衣無戒
有情又十地菩薩非肉眼之所能見坐禪靜慮之處
非嬌欲所緣之境然詐說現身值遇十地菩薩矯言
身證坐禪道昔聞大天汗穢正教今見玄昉欲絕法
網遂至今金身大六佛眼流淚矯下賤女子偽稱彌
勒豈非法滅之相哉臣愚二矣金光明最勝王經說
曰由諸天護持又得名天子三十三天主分力助人
主若王作非法親近惡人三十三天衆咸生忿怒心
天主不護念餘天咸棄捨國所重大臣朽橫而身死

打橫疑訛 惡鬼來入國疾疫遍流行若有詭狂人當失于
國位由斯損王政如象入花園頃歲賢臣良將零落
殆盡百姓死散里社為墟疾疫流行殆無虛歲嗟乎
興廢之機係此一時可不恐哉臣愚三矣我聖朝之
為國也光宅日本臨長安而竝明包括萬邦對唐主
以爭雄但唐王恒云天無兩日地無二主無唐則日
本則無無日本唐豈有東帝西帝者乎遂狹蕊心窺我
上國者歲既多也蕞爾新羅虎狼爾心含會誓之耻
畜勾踐之怨祈禱群望構禍國家者日亦久矣北狄
蝦夷西戎隼俗狼性易亂野心難馴往古已來中國

有聖則從服朝堂有變則先叛其為俗也子報父讎
孫酬祖怨但以畏陛下之威武服聖朝之文教匿爪
牙於毛中戢羽翼於鱗下鱗字蓋訛縱今朝堂有盱食之
急豈城有烽火之驚豈有忍天祖之宿怨忘子孫之
中心哉頃者賢臣已改良將多亡四隣具聞八表共
識當今之務練習五兵振威四海先諍後實災害或
視或視二字文義不通疑有訛能崇賢選士撫慰萬邦能字上下疑有脫誤
割卻庸祖簡易庶務復八柱之已傾張四維之將絕
然則遠肅近安民豐國富太平之基華戎共欣康哉
之歌朝野同音豈可偃武棄備將士解體修徐偃之

仁義從陷楚之詐謀乎蓋記兵法曰天下雖安忘戰必危勿恃彼之不來恃我有備而待也然解卻兵士出賣牧馬柳止射田若斯事餘未見其可臣愚四矣
玄昉掌中有通天之理直達中指傳聞唐相師曰當作天子玄昉竊負此言覬覦寶位熒惑陛下欺詐后宮讒間蕃屏之族令朝廷無維城之固故逐棟梁之家令左右絕忠良之臣屢出酷政令天下積怨於陛下舉動大彼令萬民疲弊於興作偃武棄備令國家忘戰愛養死士不啻萬金之資所有行事一同文狸滅吳九術從五位上守右衛士督兼中宮亮近江守

下道朝臣真備邊鄙傳子

傳字疑記

斗筭小人遊學海外

尤習長短有智有勇有辨有權口論山甫之遺風意

慕趙高之權謀所謂有姦雄為之容

此一句疑有記利口覆

國之人也亦作玄昉尤翼而蔽陛下明德臣熟視二盜契為比目雖陛下撫育恩起同位而進退周旋猶如餓虎先知二盜必有大求若不早除恐貽噬臍之憂太公曰涓水不塞將成江河兩葉弗去將用斧柯夫視日月之光不為明目聽雷霆之動不為聽耳所謂上智者居高堂之上知日月之次序見視水之中知天下之寒暑臣請賜尚方劍焚夷二盜省除苛政

以扶頌運誅無忌而謝吳王楚子故事戮晁錯而賜
七國漢帝上策臣愚五矣臣聞鳴鴉山鳥猶惜毀巢
况乎我國家宗廟社稷與日月競其照與天壤齊其
終始然為玄昉姦賊吉備凶豎所謀豈不哀哉忠臣
義士以何面目戴天蹈地乎廷屈師傳朱雲高士折
檻匪罪漢成明德幸照盆下盆字疑訛納臣愚志所謂芻
蕘之言聖人猶擇天下幸甚表入不省本緣起九月廣
嗣起兵造營遠河郡儲兵弩置烽燧朝廷遣大將軍
大野東人副將軍紀飯麻呂等討之下敕暴露廣嗣
罪狀作敕符數千道散擲諸國使民知所向背立賞

格募能斬廣嗣者東人等進將入豐前廣嗣將京都
郡鎮長小長谷常人企救郡板櫃鎮大長三田鹽籠
小長凡河內田道根之常人田道敗死鹽籠被二箭
而走百姓豐國秋山等斬之登美板櫃京都三營皆
降京師郡大領楯田勢麻呂將五百騎仲津郡擬少
領膳東人八十人下毛郡擬少領勇山伎美麻呂築
城郡擬領佐伯豐石合七十人迎降十月廣嗣自將
大隅薩摩筑前豐後兵一萬從鞍手道第綱手將筑
後肥前兵五千從豐後多胡古麻呂從田河道迎拒
官軍廣嗣先至板櫃河以集人軍為前鋒作筏將渡

河佐伯常人安部蟲麻呂出營發弩而射廣嗣兵卻
陳河西常人等陳河東令隼人等呼云隨逆人廣嗣
拒官軍者罪及妻子親族廣嗣兵不敢發箭常人等
呼廣嗣者十不應良久馳馬而來口聞救使來為誰
常人曰衛門督佐伯大夫式部少輔安部大夫於是
廣嗣下馬再拜曰廣嗣不敢拒朝命但請誅朝廷亂
臣二人身若有抗朝廷者天神地祇至罰殺之常人
等曰然則何故發兵廣嗣語塞上馬而去隼人三人
泳河而來官軍隼人拔上岸隼人二十人及兵十許
騎相繼而降拜獲器械衆潰續日廣嗣騎其所畜十

里馬西走異本平家物語按諸書不載綱手古麻呂
文也又按本緣起曰廣嗣始臨仕有馬嘶聲知其駿
逸以高價買之骨相奇異食勁草或楛乃試植柳于
檻中數日馬縮四蹄立于其上自是廣嗣午前一
畢騎馬赴京師午後入官受事夕還府日以爲常一
日過備中板倉橋傍有一人形貌非常謂廣嗣曰僕
丹波水上市郡人姓矢田名弘麻呂願爲執鞭廣嗣許
之其往來京師未嘗少後著聞集亦載廣嗣遂乘船
乘駿馬不踰宿往還京師皆涉誕妄故不取
出肥前值駕島得東風行四日見狹島舟人曰是耽
羅島也漂蕩一日夜西風忽起船不進廣嗣手捧驛
鈴臨舷曰我是大忠臣也神靈弃我乎乞神濟我因
按鈴於海而風波彌甚船還著值駕島色都島今昔
本緣起盛衰記至長野村爲進士安倍黑麻呂所捕東人等

英捷十一月下詔斬之詔書未到東人誅廣嗣綱手
於松浦郡溺死日本紀按今昔物語曰廣嗣騎馬入海
書本明年正月決餘黨并生虜罪杖徙流死没入錢三
百人續日本紀廣嗣爲厲水鏡本十七年救遣玄昉造筑
紫觀世音寺實竄之也明年玄昉死世傳由廣嗣崇
勝寶初貶真備爲筑前守改肥前守續日本紀真備至廣
嗣墓祭之遂立祠請號鏡宮淑知識無怨寺歲時爲
祭祀今昔物語
橘奈良麻呂左大臣諸兄子也天平中帝幸諸兄相
樂別業授奈良麻呂從五位下歷大學頭攝津大夫

民部大輔累進從四位下勝寶元年進從四位上爲
侍從拜參議行但馬因幡按察使檢校伯耆出雲石
見等非違事進正四位下寶字元年兼左大辨時帝
方寵惠美仲麻呂仲麻呂因廢幸檀權奈良麻呂惡其所爲
潛欲除之遂與廢太子道祖王及鹽燒王安宿王黃
文王小野東人大伴古麻呂等謀行廢立黃文王第
山背王上變告曰橘奈良麻呂構姦謀野園田村宮
大伴古麻呂具知其情宣召而訊之時古麻呂謂小
野東人曰有人欲劫內相汝從乎東人曰唯命是聽
答妹忠節聞其語以告右大臣藤原豐成右大辨巨

勢與麻呂及麻呂密奏之中衛舍人上道斐大都告
仲麻呂曰小野東人謂僕曰有王臣請殺皇太子及
相者汝能從乎僕問王臣爲誰曰黃文王安宿玉橘
奈良麻呂大伴古麻呂徒衆甚多僕又問衆謀如何
曰所謀有二一者卒精兵四百圍田村宮二者陸奧
將軍大伴古麻呂將赴陸奧行至美濃關詐稱病請
見一二親情蒙聽許即塞關良久斐大都佯許之事
已急矣不可不備是夜二更仲麻呂具奏狀警衛諸
門遣高麗福信等將兵逮捕東人忠節等繫左衛士
府別遣兵圍道祖王家明日遣公卿究問東人等不

服是夕仲麻呂侍內召鹽燒王安宿王黃文王奈良
麻呂古麻呂宣太后詔曰有人告汝等謀反顧汝等
於我爲親戚位祿不輕今何然而逆乎是以不問慎
勿自絕五人退出南門誓首謝恩明日遣中納言藤
原永手等再究問東人等款曰安宿王黃文王奈良
麻呂古麻呂多治比賣養多治比禮麻呂大伴池主
多治比賣主大伴兄人等夜會議者三始奈良麻呂
家次圖書藏側後太政官院庭會者甚衆不辨顏面
拜天地四方軟鹽汁誓曰以七月二日初昏發兵圍
內相宅殺之即圍大殿廢太子劫皇太后奪鈴璽召

右大臣使爲號令然後廢帝簡四王立以爲君於是
分繫安宿王以下鞠之安宿王曰前月二十九日黃
昏黃文來曰奈良麻呂欲暗言乃與之往至大政院
二十許人一人迎揖視之奈良麻呂也有一人素
服者小野東人也衆曰時移矣宜立拜僕問何拜曰
拜天地僕被欺而往固不知情從衆而拜黃文王奈
良麻呂古麻呂憤養所欺畧同敕使詰奈良麻呂曰
何由謀逆曰內相秉政不道甚多故將發兵先得其
人而後陳狀曰何謂不道曰造東大寺人民辛苦氏
氏亦憂又置剗奈羅最爲已憂曰氏氏指何等氏造

寺起沙又臨職之時今稱人憂其言不當奈良麻呂
辭屈又有賀茂角足者造田村宮圖指授所入佐伯
古比奈欵狀亦曰作亂之日角足謀邀高麗福信奈
貴王坂上蒞田麻呂巨勢苗麻呂牡鹿島足於額田
部宅飲酒使其不能赴難也乃悉下獄分遣諸衛掩
捕其黨令出雲守百濟敬福太宰帥船王等五人率
諸衛守獄拷掠究問黃文王改名多夫禮道祖王名
麻度比古麻呂憤養東人角足改姓乃呂志竝杖死
安宿王并妻子流佐渡信濃守佐伯大成土左守大
伴古慈斐各流仕國其餘或死獄中或配流

按補任
奈良麻

呂伏誅一說配流本書無流殺奈良麻呂明文據下
御南院宣語奈良麻呂蓋處遠流乎然猶涉疑似故
不召遠江守多治見國人究問所歎與東人等同流
伊豆佐伯全成爲陸奥守就而究問歎曰去天平十
七年先帝幸難波寢膳乖宜奈良麻呂謂全成曰陛下
下枕席不安殆至大漸然猶無立皇嗣恐有變願率
多治比國人多治比犢養小野東人立黃文王爲君
以答百姓之望大伴佐伯二族前將無歆方與此舉
今天下憂若居宅無定乘路哭叫怨歎實多緣是定
謀事可必成能從否全成曰全成先祖清慎佐時全
成雖愚豈沒然從子計失先人之迹哉縱令事成猶

且不可況不可必乎奈良麻呂曰見天下愁怨而偶
述所思耳大嘗之歲奈良麻呂曰前歲所計今將發
如何全成曰朝廷賜全成高爵重祿何敢違天謀欲
爲惡逆前歲既拒子之言今更從子邪奈良麻呂曰
汝與吾同心之友是以告大計慎莫泄言又去年四
月費金入京奈良麻呂謂曰見大伴古麻呂否全成
曰未得相見奈良麻呂乃引全成共至辨官曹司見
古麻呂奈良麻呂曰聖體乖宜久經歲序審察時勢
亂將在不邇若佗氏立王吾輩滅亡願率大伴佐伯之
族立黃文王爲君以爲萬世基古麻呂曰右大臣大

納言藉勢握權汝雖立君人豈服從全成曰事無狀
雖成豈得令名即去奈良麻呂獨留全成不聞後語
言畢自經既而帝御南院召會諸司并京畿百姓村
長以上詔曰賴神祇之靈逆黨服罪據法當死特降
一等改姓名處遠流其所誣誤百姓從之出羽小勝
柵戶景雲四年帝不豫大赦緣坐奈良麻呂者二百
六十二人編附本貫但不許入京師續日本紀奈良麻呂
子清友生女是為檀林皇后及仁明登極贈奈良麻
呂大納言從三位詔曰無位擢朝臣奈良麻呂倚伏
難測既局夜壹憫福祿之不長悲忠貞之不遂宜寬

典式以賁幽墳後又贈太政大臣正一位續日本紀清
友自有傳

小野東人天平中為左兵衛佐十三年坐藤原廣嗣
事下平城獄決杖東西市各五十流伊豆三島數年
赦還為治部少輔勝寶中為備前守寶字元年至從
五位上黨奈良麻呂事覺速繫左衛士府拷掠杖下

死續日本紀

天保十三壬寅年七月念九日謹書寫之

中村萬喜直道

大日本史卷一百一十八

列傳第四十五

權中納言從三位源光圀修
男權中納言從三位綱條校

佐伯今毛人

百濟敬福國中公麻呂

高倉福信

紀勝長 弟田上

伴善男

佐伯今毛人 道臣命之後也

錄姓氏

父人足從五位下

右衛士督今毛人勇壯有才幹聖武創東大寺使督
仗指授有方使徒不得惰帝奇之稍被甄拔勝寶初
爲大和少校從五位下頃之超進三階寶字中叙從
四位下除攝津大夫領造東大寺長官遷營城監兼
肥前守陞太宰大貳景雲初專知築怡土城事爲造
西大寺長官遷左大辨兼因幡守進從四位上寶龜
中兼播磨守進正四位下六年爲遣唐大使明年四
月賜節刀列肥前風波不便留數月以秋至風逆不
可發船還博多大津奏請待來年許之十一月入京
師上節刀八年又赴唐至羅城門而病力疾就道至

攝津病劇乃敕副使小野岩根持節先發行大使事
今毛人竟不往數年再爲太宰大貳天應元年進正
四位上帥藤原濱成得罪敕今毛人攝行府中事延
曆初又爲左大辨兼大和守進從三位兼皇后宮大
夫及將遷都奉詔與藤原種繼等相攸山岬乙訓郡
長岡因爲造長岡宮使續日本紀今毛人有巧思每朝廷
有所營造未嘗不與其事而奉公謹慎深信釋教初
董東大寺役常日持齋帝呼爲東大居士及爲造宮
使夙夜監督猶日誦金剛經而後臨事高僧傳要文抄三年
拜參議尋進正三位爲民部卿除太宰帥續日本紀在仕

所得租奉捨二分寫經以祈國祚餘悉施窮乏者家
無資產高僧傳要文抄八年上表致仕其參議封戶割半賜

之爾後致仕者槩給半俸是為始按本書寶字八年

是致仕者減賜半俸特救淨三賜全俸然九年薨年

七十二續日本紀

百濟敬福百濟義慈王之玄孫也舒明朝義慈王遣

其子豐璋王禪廣王入侍後義慈王與唐人戰敗降

唐其臣佐平福信起兵克復迎立豐璋即位以讒殺

福信唐人復來攻豐璋請援于我戮力拒唐兵而不

克乘船走高麗禪廣遂留而不去元明朝賜號百濟

王及卒贈正廣參初禪廣將三子來朝長子昌成先

卒天武朝贈小紫次子即虞聖武朝授從四位下為

攝津亮敬福其少子也為人慧辯有從政之才聖武

帝殊寵遇之而放縱不羈不矜細行有人告貧者傾

資振之無則乞假而給焉以故頻歷外仕家無餘財

天平中叙從五位上再為陸奧守先是我邦不出黃

金常取用於外國及東大寺盧舍那佛像成塗金不

足帝常嘆恨會陸奧小田郡出黃金時敬福為守馳

驛獻之帝大悅改元天平感寶特授敬福從三位既

而又獻黃金九百兩勝寶中為宮內卿歷兼河內常

陸守爲檢習西海道兵使遷右大辨寶字中歷出雲
伊豫守爲南海道節度使改讚岐守入爲外衛大將
八年奉上皇敕與山村王等帥兵圍中宮院逼帝出
宮神護元年爲刑部卿攝德帝幸紀伊爲後騎兵將
軍二年薨六十九續日本紀

國中公麻呂其先百濟人也祖父德率國骨富天智
朝屬本蕃喪亂來歸公麻呂居大和葛下郡國中村
因命爲氏初聖武帝造盧舍那佛銅像規模廣大治
工不能措手公麻呂頗有巧思竟成之景雲初帝幸
東大寺拜佛像賞公麻呂功授從四位下爲造東大

寺次官兼但馬員外外寶龜五年卒續日本紀

高倉福信武藏高麗郡人其先出自高麗祖福德及
唐將李勣拔平壤避難來歸居武藏後賜姓背奈公
福信幼有膂力年未弱冠隨伯父行文遊京師嘗往
石上衢角力相撲妙得其術無有敵者自是著名聖
武聞而召之侍內豎所甚愛其材初爲右衛士大志
頃之授外從五位下稍遷補春宮亮賜姓王累進正
五位上勝寶初遷中衛少將兼紫微少弼進從四位
上改賜姓高麗朝臣寶字初進正四位下攝奈良麻
呂之變奉敕捕小野東人答休忠節等數年遷信部

大輔尋為但馬守神護元年授從三位既而為造宮
御景雲元年兼法王宮大夫寶龜初兼武藏守起揚
梅宮福信管其事宮成賞勞做兼近江守十年上表
曰自臣之先世授于聖化過受洪恩久經年所但雖
新姓之榮而舊號未革望請改高麗以為高倉許之
天應元年遷彈正尹延曆四年乞骸骨優詔從之賜
御杖及衾以歿位就第八年薨年八十一子石麻呂
叙從五位下續日
本紀
紀勝長本書或
作堀長角宿禰十一世孫父船守右京人藤
原仲麻呂之亂射殺其將矢田部老論功擢從五位

下賜勳五等賜勳據公
卿補仕神護二年賜功田八町傳于
子累歷官職延曆中至正三位大納言續日
本紀及薨帝
哀悼不視事三日贈右大臣從二位日本紀
畧補仕
作正二位今從
續日本
後紀勝長其長子也延曆四年叙從五位下明年
為近江人時帝欲征蝦夷遣勝長於東山道簡閱兵
士器械續日本
本紀十一年為兵部少輔尋轉大輔遷式部
大輔為右中辨歷兼右衛門督右兵衛督美作守為
造東大寺長官十五年任參議二十年帝幸其山階
宅日本紀二十二年進從三位大同元年轉中納言無何
薨年五十三勝長性寬雅好賓客接對不倦宴饗之

費不問出入善步射容儀進退堪為世範但耽愛犬馬玩好之物頗累物議補子與道名虎圖系興道天長

中至從四位下右兵衛督兼父業亦善射儀大同中

右伴和武麻呂亦傳其術後世武人效用其法續日本後

紀補名虎仁明朝至正四位下刑部卿續日本後紀子有

常性清警有儀望貞觀中至雅樂頭從四位下三代實錄

勝長第田上

田上通曉武藝兼有文才最長於政事大同初為相

摸守百姓懷之三年秩滿入京師平城之變從上皇

授從四位本書不載事平左降佐渡權守遇赦還天

長初卒類聚國史紀畧子深江少遊大學畧涉史書自文章

生為少允歷主稅助式部少丞弘仁末叙從五位下

天長兼和間累遷左近衛少將兼備中守為兵部大

輔出為伊豫守性寬和為物動所滋有治績百姓

安之時稱為循吏卒于寬年五十一續日本後紀

伴善男左京人本姓大伴祖繼人延曆中至左少辨

受皇太子旨殺中納言藤原種繼下獄死三代實錄紀畧天

國道坐父事流仇渡國宰愛其才敏引為師友案牘

文簿皆出其手遇赦還弘仁中至參議兼右大辨授

勳六等淳和即位避御諱改大伴宿禰為伴宿禰類聚

國史日本 天長初進從四位上兼陸奥出羽按察使

後紀纂 善男生而俊爽深目長鬢身體矮小意氣畔岸弱

冠直校書殿為仁明帝被知寵任寄日重兼和中任

大內記為藏人遷式部大丞授從五位下為讚岐權

从未及之任俄遷左少辨三代實錄補任時法隆寺僧善愷

訢少納言登美直名之罪善男與尤大辨正躬王等

論定罪科數相詰難久之不決遂誣奏正躬王等許

容善愷非理之訢乃令明法博士讚岐永直等斷之

正躬王及一時預議者皆坐解官續日本後紀 善男尋補

藏人頭轉右中辨嘉祥初超授從四位下任參議轉

右大辨兼下野守補檢非違使別當兼式部大輔三

年進從四位上三代實錄補任七月大水山崎橋斷帝以為

河橋易壞由水浸齧如得其便地自無所害詔善男

等就山崎以察利害求便地遂定置河橋文德實錄是歲

為中宮大夫仁壽元年兼美作守二年丁母憂解職

未幾詔起復之授正四位下齋衡中兼讚岐守進從

三位詔修國史文德實錄三代實錄貞觀元年兼伊豫權守進

正三位兼民部卿二年任中納言六年轉大納言善

男性忍酷有口辨當官幹理察斷機敏朝廷制度多

所詳究政務變通問無不對而傲倖逢迎為人主所

愛自為內記八年間累歷顯要終至公卿位望漸貴
為人褊狹好斥人短眾憎之三代實錄先是善男與左大
臣源信有隙屢謀陷信代之八年春與子中庸等燒
應天門而矯言信之所為右大臣藤原良相信之欲
罪信攝政良房聞而大驚不及整衣冠疾驅入朝為
辨其誣三代實錄神皇正統記方善男之行火左京人大宅鷹
取夜過應天門有鉅門柱而下者善男中庸及家奴
紀豐城也俄而火起鷹取意善男之所為也會鷹取
子與善男之奴之子分爭為奴所毆傷幾死事聞
于官訊之鷹取遂言善男燒應天門事三代實錄宇治拾遺物語

梅實錄云榜訊殺鷹取女子者生江恒山及同謀者
伴清繩並善男之僕從也拾遺所載顛末頗詳今從
之於是使參議南淵年名藤原良繩鞠問之拘於中
庸於左衛門府論讞善男中庸及同謀者紀豐城伴
秋實伴清繩等五人當斬詔降死一等流善男于伊
豆中庸于隱岐豐城于安房秋實于壹岐清繩于仇
渡籍沒其資宅地連坐配流者八人肥後守紀夏井
配于土左下野守伴阿男于能登上總權少掾伴夏
影于越後伴冬滿于常陸紀春道于上總伴高吉于
下總紀武城于日向伴春範薩摩中庸子元孫年八
歲叔孫五歲隨父配所朝廷愍其幼穉自道召還三代

實十年善男死于徒所年六十補任世傳善男微時
錄仕郡司在佐渡夢騰西大東大兩寺既寤語妻妻
戲曰恐騰開裂善男不悅至郡司家郡司素善相見
善男至延接甚恭善男怪而問故郡司曰子得異夢
後當大貴而告之非人雖至大官必不令終果如其
言江談抄著聞集
宇治拾遺物語

七月廿九日謹書寫之

中村直衛

大日本史卷一百一十八終

大日本史卷一百一十九

列傳第四十六

權中納言從三位源光圀修
男權中納言從三位綱條校

文室淨三

孫綿麻呂
淨三弟大市

秋津

船王

兄子和氣王

氷上鹽燒

志計志麻呂

川繼

山村王

平高棟

子季長

惟範

豐前王

文室淨三長親王子也初為諸王名智奴或本書智奴

養老初授從四位下為左大舍人頭天平中為木工

頭領造宮卿班給新京百姓宅地幸城北苑賜宴帝

群臣以營創勲勞賜東絕六十匹綿三百屯累進正

四位上授從三位勝寶四年賜姓尋為攝津大夫寶

字元年拜參議兼治部卿二官據公頃之兼出雲守

詔求直言淨三與少僧都慈訓奏曰天下諸寺每年

正月悔過稍乖聖願終非功德何者修行護國僧尼

之道而今或身不入寺計官供於七日或貪規兼得

著空名於兩處譏及三寶無益施主伏願停官布施

令彼貪僧無所希望奏可四年拜中納言五年進正

三位改今名尋遷御史大夫優老聽宮中執扇杖策

兼神祇伯進從二位初紀哀祁之女スガ賣嫁紀伊水

高郡內原牟羅生身賣拍賣及長哀祁令寄食紀寺

至庚寅之歲編戶入奴婢籍其族益人等告訴積年

不理救淨三數之淨三列狀而上賜益麻呂等十二

人姓紀朝臣真玉女等五十九人內原直以益麻呂

為戶頭編附京戶而紀伊保等不肯信孝謙上皇面

救淨三及惠美朝獵遣使紀寺宣詔益人等七十六

人並得從良檢本書前後文益人八年淨三請致仕

蓋與益麻呂同人也

詔報曰聞卿年滿懸車據禮致仕熟思此事憂喜交
懷一喜功遂身退能守善道一憂氣衰力弱歸就田
家古云知止不殆知足不辱卿之謂也丹懇難違依
其所請仍賜几杖及新錢十萬將以闡揚勝流激勵
浮俗乃退居私第先是致仕者減祿之半特旨賜全
俸景雲中賜太宰綿六十屯續日本紀孝謙上皇崩儲位
未定吉備真備等欲立淨三淨三固拒而免鏡水是歲
薨遺言薄葬不受鼓吹諸子遵奉當時稱之敕遣使
吊賻續日本紀子大原祖武朝賜姓三緒朝臣至從四位
下續日本後
紀補仕子綿麻呂秋津

綿麻呂延曆中叙從五位下歷右大舍人助近衛將
監少將兼出羽權守改播磨守除侍從中務大輔大
同中歷右兵衛督右京大夫左大舍人頭仍兼播磨
守改賜姓三山朝臣遷左兵衛督兼大膳大夫敕使
本姓文室真人除兵部大輔弘仁元年再為播磨守
補平城之難侍上皇嵯峨帝召歸京師拘于左衛士
府以大納言坂上田村麻呂將兵邀上皇田村麻呂
以綿麻呂練武拔曉邊事請赦參軍事因校正四位
上拜參議副將軍與田村麻呂扼美濃道類聚國史
日本紀畧
事平加大藏卿兼陸奧出羽按察使補討蝦夷有功

進從三位授勳三等詔曰陸奧夷賊歷代彌時擾亂
邊境殺畧百姓嚮遣正四位上文室真人綿麻呂等
征之今量其功勞以進勳爵兼左衛門督為征夷將
軍歷備前守右京大夫陞右近衛大將兼兵部卿任
中納言十四年薨年五十九紀畧補任子卷雄幼有勇力
善騎射文德帝在東宮為帶刀舍人仁壽天安間歷
官內外貞觀中仕左近衛少將元慶中叙從四位上
前後歷美濃伊豫因幡相模等守不之仕在京師遙
領之請解守以一子仕外更詔以其子房典為近江
少掾卷雄宿衛之勤當時無雙直侍伏下日夜不出

常戲騰駕車牛額躍立車後為少將時狽走東宮屋
上卷雄登屋追及斬之其舉捷如此仁和三年卒年

七十八

三代實錄

秋津弘仁中為右近衛將監補藏人累歷右馬廐左
近衛將監甲斐守武藏从木工頭天長中補左兵衛
權佐遷左近衛中將兼因幡守授從四位下補藏人
頭六年拜參議尋兼右大辨武藏守轉左大辨兼春
宮大夫兼和初補檢非違使別當續日本後
紀補任上表乞
解大辨中將等職因罷大辨兼右近衛中將右衛門
督秋津監察非違甚有聲譽又通曉武藝世許其將

器但好飲有癖每至數杯必悲泣頗以此得譏遷兼
丹後守至正四位下九年以伴健岑之黨囚於冷泉
院左降出雲權守十年卒于殿所年五十七續日本
後紀
淨三第大市

大市

本書大市或作
邑珍國音通

天平中授從四位下為刑部卿

遷內匠頭勝寶中進從四位上與淨三同賜姓尋為
大藏卿此時宗室支族陷辜者衆大市內不自安雉
髮為僧以圖自全寶字中又出仕授正四位下歷彈
正尹節部卿遷民部卿神護元年進從三位二年為
出雲按察使拜參議兼中務卿景雲中賜太宰綿四

千代兼外衛大將

續日本
紀

及孝謙崩吉備真備等謀立

大市議既決矣藤原百川等遽奉光仁帝踐祚以故

不得立

水鏡及紀畧
引百川傳

寶龜元年進正三位二年起拜

大納言兼彈正尹進從二位遷兼治部卿三年上表
曰臣以愚質幸遇聖明拖紫腰金叨掌喉舌貪榮負
貴戰過薄深伏惟陛下德合仁厚邦舊命新維城之
遇千年終譽之儀一會今臣蒲柳向衰桑榆方晏病
亦稍篤垂盡無期伏願避路後人賜老丘園止足以
送餘年返初而待終日則上有成物之德下無尸祿
之譏矣矜老存疾有國嘉猷引年致事先賢懿行伏

願天恩曲慰朽邁不任前路之迫促謹詣朝堂奉表
以聞優詔不許再然中務卿固請致仕詔曰卿年及
懸車告老言退知足知止合於古誼思欲抑留恐非
優老之道體力如健時節朝參因賜御杖十一年薨

年七十七

續日本紀

舩王崇道盡敬帝第三子也神龜四年直叙從四位
下天平末進從四位上為彈正尹寶字初廢皇太子
詔議宗室當為儲貳者舩王以惟薄不修不得立
本所載敕文如此據是時藤原仲麻呂驕於孝謙帝事
出愛憎其責池田王如曰孝行有闕者亦此類而虛
實殆不可知觀者廢帝即位進從三位是歲遣渤海
以意逆之可也

使還奏唐亂舩王時為太宰帥奉詔與大貳吉備真
備議沿海備奏便宜曰府官所見有不安者四據警
固式博多大津及壹岐對馬等要害之處可置舩一
百隻以上以備不虞而今無舩可用交關機要一也
大宰府三面帶海諸蕃是待而自罷東國防人邊戍
日以荒散萬一有變何以應卒何以示威二也管內
防人一停作城講肄武藝練習戰陳而大貳吉備朝
臣真備議曰屯田之法古人所重請五十日教習十
日築城事雖可行府僚或不同三也天平四年八月
有敕筑紫兵士全免調庸其白丁者免調輸庸當時

民息兵強足以鎮遠而今管內彫弊百姓匱乏不有
優餼無以自贍四也敕從之唯不許遣東國防人明
年陞爲親王授三品奉使杏推廟告將伐新羅尋爲
信部卿頂之進二品及帝被廢責以與惠美仲麻呂
通謀降爲諸王流于隱岐子葦田王孫他田王津守
王豐浦王宮子王同坐授姓三長真人流于丹後寶
龜二年彼屬籍續日本紀兄子和氣王
和氣王父曰三原王初爲諸王勝寶中賜姓因真人
爲因幡掾寶字中追尊舍人親王因彼王屬籍授從
四位下歷內匠頭節部卿伊豫守八年惠美仲麻呂

謀反王上變賊平叙從三位拜參議兼兵部卿奉上
皇敕與山村王等率兵圍中宮院逼帝出宮俄煎丹
波守授勳二等賜田五十町時皇嗣未立竊懷王
覬覦有紀益女以巫鬼著王厚賂與之善又與參議
粟田道麻呂兵部大輔大津大浦式部員外少輔石
川永年等相友善數會飲其宅神護元年七月道麻
呂至與王密語所佩刀觸門扉而折王遺裝刀人多
怪之所謀頗漏王畏禍及即夜逃竄救索之獲于率
河社中流伊豆至山背相樂郡絞殺瘞于狛野絞紀
益女于綴喜郡松井村王男女大伴王長岡王名草

王山階王采女王免死除屬籍貶道麻呂飛彈員外
从以其怨家上道焚太都為守焚太都至任幽殺道
麻呂又貶大津大浦日向守奪位封貶石川永年隱
岐員外从數年自縊而死至寶龜二年和氣王男女
皆復屬籍大伴王天應元年授從五位下延曆中歷

大監物主馬頭

續日本紀

永上鹽燒一品新田部親王子也初為諸王天平中
授從四位下進正四位下為中務卿坐事下平城獄
流伊豆三島居四歲召還明年復爵寶字元年召公
卿議儲貳僉曰鹽燒王當立帝曰先帝責以無禮不

應立遂立大炊王為皇太子既而鹽燒王進正四位
上為大藏卿禰奈良麻呂密謀簡廢太子道祖王黃
文王安宿王及鹽燒王立以為帝事覺或杖死或逐
流詔曰鹽燒王雖在四王之列然不會謀庭亦不彼
咎而緣坐道祖王應當逐流但又新田部親王其心
清明奉侍朝廷不恐絕其門故免罪自今以後宜以
明直奉朝廷二年進從三位賜姓明年詔上意見鹽
燒奏臣見三世王已下給春秋祿者是務王親而今
計上日不異臣姓乞依令優給勿檢上日奏可累歷
禮部信部二卿六年拜參議兼美作守陞中納言八

年兼文部卿惠美仲麻呂及奉鹽燒為帝仲麻呂伏
誅鹽燒亦見斬續日二子志計志麻呂川繼

志計志麻呂初鹽燒尚不破內親王生志計志麻呂
及川繼及敗二子以母貴得免景雲三年丹比乙女
誣告縣大養姊女與內親王謀立志計志麻呂乃削
內親王屬籍放京外志計志麻呂配土左續日

川繼寶龜中叙從五位下延曆元年正月為因幡守
其資人大和乙人私帶兵仗闌入宮中所司捕而推
問歎曰川繼謀今月十日夜入自北門作亂因使臣
招其黨宇治王以會期教召川繼川繼聞使至潛出

後門而走即回三關大索數日獲大和葛上郡詔曰
氷上川繼潛謀亂事既發覺據法當極刑其母不破
內親王反逆近親亦當重罪但山陵未就不忍論刑
其川繼宜免死處遠流不破內親王并川繼姊妹配
淡路川繼流伊豆三島妻藤原法壹亦同徙焉妻父
藤原濱成棄二官黨與從四位下三方王正五位下
山上船主皆左降左大辨大伴家持右衛士督坂上
刈田麻呂解職正四位下伊勢老人從五位下大原
美氣藤原繼彥徙京外仇坐者三十五人川繼姻戚
知友亦擯京外未幾三方王及妻弓削女王與山上

船主坐厭魅象輿詔減死處遠流續日本紀

山村王久米皇子之後也補任誤為久米皇子天平末

叙從五位下寶字中為紀伊守遷少納言惠美仲麻呂

及有刃授從三位為左兵衛督及帝被廢將兵圍

中宮院宣上皇詔神護初賜勳二等兼大和守賜刃

田五十町拜參議加治部卿景雲元年薨年四十六

延曆中近江上言除王姓從百姓者五戶壹陌壹口戶

主槻村井上大岡大魚勳神等竝山村王之孫也山

村王以養老五年編附此部子孫蕃息或七八世分

為數戶依拾六世以下除兼嫡者之外科課役請兼

嫡之戶遷附京戶餘與姓科課下所司檢皇籍無山

村王之名因從百姓之例不賜真人之姓續日本紀

平高棟萬原親王長子也身長六尺美鬚髯幼而聰

悟好讀書傳初為諸王弘仁中叙從四位下為侍從

天長初歷大學頭中務兵部大輔萬原親王諸去諸

子王号則賜姓因賜今姓歷大藏刑部卿兼和中累

進從三位實錄仁壽元年拜參議三年丁父憂解職

哀毀過禮月餘奪情以本官起之齋衛中為春宮大

夫文德實錄天安二年為權中納言進正三位貞觀

初領陸奥出羽按察使奏鎮守府上言邊陲之吏去

鄉遼遠公廨之外無復資糧而至有未納抑而不行
請准太宰府司公廨雖有未納以正稅給之永爲恒
例許之數年轉大納言以老辭職優詔不許九年亮
年六十四高棟天性質厚不事華飾所蒞務存寬裕
晚年崇信釋教常誦佛經嘗捨山城葛野郡別墅爲
道場詔賜額平等寺自拜大納言食邑租賦多供佛
事實 三代 子李長惟範

李長負觀中以式部丞掌渤海客使元慶中爲兵部
少輔兼伊勢權从遷左近衛權少將兼陸奥守賜近
衛四人爲隨身仁和二年爲右中辨三代 尋轉左中

辨爲問山城民苦使奏曰得諸郡司解狀俾諸院諸
宮及諸王臣家或爭百姓戶田或奪浮浪財物不據
國宰無牒郡司闌入郡內遮相壓畧專擅威權不辨
理非田園因斯荒廢財產爲之空竭望請裁許被停
止者伏檢案內訴訟皆從下始若有越訴法設科條
今愚昧百姓不悟此理告人囑請甲宅而乘威前人
媚託乙家以挾勢國郡官司無力禁止望請自今以
後相爭財物甲乙之輩假勢王臣不由國郡者不限
土浪不論陰贖決杖一百所爭之物皆悉沒官諸院
諸宮王臣家許容者別當并家司科違教罪如此則

窮民再黷勢家弭害救依其請三代格進至從四位下

右大辨寬平九年卒系圖

惟範有文才善詩雜言宇多帝敕撰弘仁以後詩林

記延喜二年仕參議與藤原時平撰延喜格累勞至

從三位中納言兼右近衛大將九年薨年五十五子

時望從三位中納言伊望從三位大納言補仕

豐前王崇道盡敬皇帝四世之孫父木工頭榮井王

豐前少以學涉稱天長中任大學助遷式部大丞丁

父憂解職尋起復本官歷諸陵助太宰大監三代實錄叙

從五位下續日本紀兼和齋衛間歷備中參河安藝伊豫

等守任右京權大夫大德實錄天安中丁母憂解官

服闋除民部大輔貞觀初累進從四位下遷伊豫守

是時詔參議已上論時政得失右大臣藤原良相以

豐前老成特命上意見先是諸王自二世至四世賜

冬夏衣服不限人數久之皇族蔓衍靡費洪繁豐前

上疏曰諸王給服人數不定徒費帑藏無有紀極望

請以當時所在為定額隨闕補之不聽輒過從之豐

前性簡傲好品藻人物言語浮夸放縱無所拘以故

人多避之六年進從四位上明年卒年六十一三代實錄

大日本史卷一百一十九終

天保十三壬寅年八月二日謹書寫之

中村萬喜直道

大日本史卷一百二十

列傳第四十七

權中納言從三位源光圀修
男權中納言從三位綱條校

藤原永手

藤原豐成

藤原良繼

第百川藏下麻呂
良繼第子種繼子仲成

大中臣清麻呂

孫淵魚曾孫正棟
玄孫國雄

和氣清麻呂

子廣世真綱仲世

藤原永手中衛大將房前第二子也天平中授從五

位下勝寶初進從四位下尋爲大和守六年陞從三位歷兼式部中務卿寶字元年爲中納言數年兼兵部卿進正三位八年轉大納言神護元年授勳二等進從二位二年拜右大臣詔曰淡海大津宮御宇所賜藤原大臣及其子大臣密敕曰汝子孫以清明心奉侍朝廷者必善遇之不絕其嗣今思先敕授卿右大臣官幸其第賜正二位其妻大野仲智從四位下歲中轉左大臣景雲二年賜太宰綿二万屯三年又幸其第進從一位仲智及男家依雄依等並進一級尋賜稻十萬束帝不豫敕永手攝近衛外衛左右兵

衛事時皇嗣未定僧道鏡僥倖非望及帝晏駕藤原百川等定策矯遺詔立光仁帝永手與右力焉帝即位進正一位賜山背相樂郡出水鄉山二百町又賜火切封寶龜二年二月暴病時帝幸難波遷到竹原井行宮節幡等無故而折眾謂執政將改之徵翌日薨年五十八帝悼惜遣中納言文屋大布員外中納言石川豐成弔賻其辭甚淒切廢稱切德極其哀榮贈以太政大臣遣使監護喪事續日本紀永手居長岡稱長岡大臣系圖一子家依參議從三位雄依大藏卿正四位下續日本紀坐黨伴繼人流隱岐日本紀畧永手

第真楠魚名

真楠初名八束天平中為春宮大進遷右衛士督式部大輔兼左衛門督累進從四位下政治部卿真楠度量弘深有公輔之才在官公廣慮不及私聖武帝特詔使參奏宣吐納明敏寵遇甚渥從兄仲麻呂心害其能真楠悟稱病家居頗耽書籍久之出為大和守勝寶中遷攝津大夫進從四位上寶字初進正四位下拜參議兼中務卿奉勅與仲麻呂改官號四年進從三位為太宰帥六年任中納言兼信部卿尋進正三位神護元年授勳二等二年轉大納言兼式部

卿薨年五十二遣教旨大輔藤原繩麻呂右少辨大

伴伯麻呂弔之賜大臣之葬儀續日本紀子內麻呂延曆

中任中納言兼近衛大將進至右大臣從二位弘仁

三年薨贈太政大臣從一位稱後長岡大臣有十三

子真夏冬嗣長岡愛發大津衛助最顯公卿補冬嗣

長岡自有傳

魚名天平末叙從五位下補侍從勝寶初宇佐大神

憑詔徙于京師魚名與石川年足為迎神使奉神樂

入京師寶字中歷備中上總守進從四位下遷宮內

卿神護二年授從三位景雲二年拜參議尋兼大藏

卿左京大夫寶龜初加正三位任大納言兼中務卿
八年進從二位帝幸魚名曹司授其男未茂從五位
下賜從官物尋兼近衛大將太宰帥明年拜內臣改
號忠臣十年為內大臣天應元年叙正二位轉左大
臣仍兼帥延曆元年坐事免大臣赴太宰府男鷹取
未茂等並貶謫魚名至攝津得病不進初聽留別業
加醫療明年夏詔曰太宰帥藤原朝臣魚名老病相
仍留滯中路宜還京師託其親屬七月薨于京師年
六十三續日本紀稱河邊大臣系圖要記詔賜純布米鹽及從
丁又詔曰疇庸叙功彰于舊典赦遇宥罪著自前經

故太宰帥正二位藤原朝臣魚名乃祖乃父世著茂
功或盡忠義而事君或宣風猷以佐時言念於此無
忘于懷故今贈本官酬其先功延曆元年六月十四
日所下詔勅官符等宜悉燒却續日本紀魚名五子鷹取
鷲取未茂藤成其鷲鷹取至正四位下侍從坐人事
左遷石見公未幾赦還為左京大夫鷲取從五位上
中務大輔未茂為中衛少將坐人事左遷上左從敕
還任伊豫守再坐事貶日向公又赦還至內匠頭從
五位上續日本紀藤成口吃有材幹歷任內外所在稱
職至從四位下伊勢守類聚國史真鷲叙從五位下隨父

赴太宰府召還為大學頭歷伯耆守右少辨至太宰

大貳

續日本紀

藤原豐成右大臣武智麻呂長子也養老中為內舍人神龜初叙從五位下天平中累進從四位下以兵部卿拜參議遷中務卿兼中衛大將時帝屢遊幸豐成每留守京師進從三位任中納言兼東海道鎮撫使進從二位轉大納言勝寶元年拜右大臣及皇太子廢豐成與從弟永手欲立鹽燒王豐成弟仲麻呂不從遂立大炊王仲麻呂為內相勢傾天下豐成天資寬厚甚得時望仲麻呂忌其才名每欲因事中傷

之會擣奈良麻呂謀廢立事覺仲麻呂以豐成子乙繩與奈良麻呂善誣奏黨賊勅豐成出乙繩豐成乃縛致之吏又勅曰豐成事君不忠為臣不義私附賊黨潛忌內相知攝大亂無敢奏上及事發覺亦不肯究若延數日殆滅天宗宰輔之任豈合如此因罷右大臣尤降太宰員外帥豐成至難波別業稱病不進迨仲麻呂伏誅帝悟其冤勅復官賜帶刀四十人檢從一位豐成自仲麻呂死內不自安上表曰臣等曾祖大織冠內大臣踏義懷忠許身奉國皇朝籍其不世之勲錫以無窮之賞胤子正一位太政大臣確陳

丹誠抗表固辭即割賜二千戶傳及子孫臣等以累世之相門久沐榮寵豈意逆賊仲麻呂逆出臣族極凶肆逆若斯之甚今臣等既以凶逆之同族猶霑勳切之餘封以何面目叨冒殊厚伏願還納先代所賜切封少塞天下之責許之神護元年薨年六十二日續本稱難波大臣又稱橫佩大臣四男一女男良因繼繩乙繼繩麻呂繼繩自有傳女中將姬為尼居當麻寺良因從五位下伯耆守系乙繩本書乙或作初叙正六位上為叔父仲麻呂所誣左遷日向員外掾仲麻呂伏誅赦還京師授從五位下景雲初補大藏大

輔寶龜中歷土左美作下總守彈正尹至從四位上刑部卿參議繩麻呂寶字中歷兵部少輔備中守禮部大輔補侍從仲麻呂敗授從四位下神護初賜勳三等帝幸紀伊為御前騎兵將軍尋為民部卿兼敕旨大輔近江守景雲二年授從三位為近江按察使孝謙崩與藤原百川定策立光仁寶龜中任中納言兼皇太子傳遷中衛大將代百川執政十年薨年五十一帝悲悼遣大和守石川豐人治部大輔藤原刑雄贈從二位大納言葬事官給並充鼓吹司夫續日本紀藤原良繼式部卿宇合第二子也初名宿奈麻呂天

平中坐兄廣嗣事流于伊豆頃之赦還補少判事數
年授從五位下歷越前上總守寶字中進從五位上
爲民部少輔尋補右中辨改造官大輔兼上野守時
惠美仲麻呂擅政三子並任參議而良繼位在其下
內懷慚憤與佐伯今毛人石上宅嗣大伴家持等謀
除之右大舍人弓削胃廣知其計告仲麻呂逮捕下
吏鞠問良繼曰吾獨爲謀主他人無罪乃劾大不敬
除姓奪位居二歲仲麻呂謀反走近江即日詔良繼
將兵數百追討之因授從四位下勳四等亂平叙正
四位上爲太宰帥神護二年進從三位景雲中以兵

部卿兼造法華寺長官四年拜參議帝崩無嗣光仁
之立良繼與議定策及舉哀爲騎兵司守宮闕既而
遷式部卿改今名進正三位任中納言超拜內臣勅
曰內臣職掌官位祿賜職分雜物宜一同大納言但
食封給一十戶自是得志專政與奪由已頃之進從
二位八年陞內大臣其秋寢疾帝爲授其氏神鹿島
神正三位杳取神正四位上以禱其病尋薨年六十
二贈從一位遣中納言物部宅嗣等弔之子宅美從
五位上越前守女乙牟漏爲桓武后續日本紀生平城嗟
峨二帝平城即位以其外祖贈良繼太政大臣正一

位妻安倍氏正一位紀畧補任良繼第百川

百川初名雄田麻呂幼有器度寶字中授從五位下

補武部少輔神護中為山陽道巡察使奏曰本道郡

傳路遠多致苦乞復隸驛將遺又長門豐浦厚狹等

郡宜養蠶乞代調銅令輸綿朝廷終用其議尋除左

中辨侍從景雲中兼右兵衛督任武藏守進從四位

下遷中務大輔檢校兵庫副將軍兼內登大輔歷河

內越前守轉右大辨所歷之職皆著勤恪之名續日本紀

時孝謙縱謠百川見國家將亂力不能救居常憤嘆

景雲四年帝大漸有尼告曰有方術可治百川抑而

不通帝遂崩皇嗣未定百川欲立白壁王右大臣吉

備真備頗有異議百川與兄良繼從兄左大臣永手

密議矯遺詔使宣命使廷讀之曰白壁王年長且有

功勞故先帝立為太子真備默然百川即備伏迎白

壁王踐祚是為光仁帝水鏡紀畧引百川傳寶龜二年為太宰

帥拜參議百川為人忠盡且有迎立之功帝甚信任

之委以腹心續日本紀帝長子山部親王素得時望百川

常屬意時皇后驕縱滿伏帝晚年昏老惑溺不悟百

川私憂之欲以計傾后併廢太子會帝與后奕賭以

美婦美丈夫后勝徵求美丈夫不已帝大慙沮百川

勸帝遣山部親王侍后后大罷親王既而帝悔恨后
竊拔毒宮井又咒詛帝百川推問得實奏請暫幽后
於縫殿寮使自思過帝曰此事一任卿區處百川乃
矯作宣命會公卿於太政官傳宣曰廢皇后及皇太
子帝大愕曰欲使后悔心何遽至如此對曰母有罪
而子驕固宜廢然辭氣甚厲帝不能奪后太子遂廢
群臣美請早定儲位帝擇所立百川請立山部親王
帝曰山部有亂倫之罪何足附神器百川曰親王之
侍皇后實陛下之所命也陛下責以孝親王不得已
而從之豈本心哉參議藤原濱成曰親王母賤帝曰

然帝意欲立酒人內親王濱成曰禪田親王可立百
川瞑目按劍叱曰濱成之言非也夫儲君者不論母
之貴賤山部親王令聞夙著天下屬意願勿他議帝
不答起入內百川厲聲曰不乘聖斷則臣不肯退立
殿前四十餘日帝感其誠惘乃許所請語未既百川
抵掌大歡呼急宣迎親王立爲皇太子時人曰百川
事君無貳竭力致命自古無比水鏡尋進從三位爲式
部卿兼中衛大將內外機務無不與聞十年帝不豫
百川憂形於色醫療祈禱備盡心力帝益重之是歲
薨年四十八帝甚悼惜遣使就第宣詔贈從二位所

須官給延曆二年追哀贈右大臣續日本紀子緒嗣繼業

緒嗣自有傳女旅子為桓武夫人生淳和淳和即位

以外祖恩贈百川太政大臣正一位妻藤原氏正一

位紀繼業為人質直有容儀天長三年以外戚授從

三位兼和九年薨年六十續日本後紀百川第藏下麻呂

藏下麻呂初自內舍人為出雲人寶字中為山陽道

問民苦使進從五位下歷少納言備前守惠美仲麻

呂走近江藏下麻呂為討賊將軍力戰破賊事平以

功授從三位擢右兵衛督廢帝從淡路藏下麻呂護

送之神護元年授勳二等為近衛大將兼左京大夫

景雲元年兼伊豫土左按察使光仁之立與定策之

議遷兵部卿兼東宮大夫尋除太宰帥拜參議寶龜

六年薨于官年四十二續日本紀子繩主綱繼淨本繩主

延曆大同間累官至參議從三位為太宰帥弘仁中

任中納言兼兵部卿八年薨于官年五十八性好飲

酒而職務無替最敦思義親族慕之天長元年贈從

一位補綱繼延曆弘仁間累歷清要天長初補藏人

頭拜參議尋進正四位下致仕特授子吉野參議兼

和八年優授正三位十四年薨年八十五續日本後紀吉

野自有傳淨本至從二位大藏卿補

種繼良繼弟淨成子也神護二年叙從五位下累官
內外延曆元年任參議進從三位爲式部卿尋任中
納言叙正三位續日本紀補任帝甚親任之常侍帷幄中外
機務悉裁決焉時帝方遊幸委政太子以佐伯今乞
人爲參議種繼以爲不可奏罷其職太子自是深惡
種繼常欲除之初遷都長岡種繼首建其議四年帝
幸平城種繼與右大臣藤原是公留守太子時帝不
在潛使人伺種繼是時新都草創百司未就匠手役
夫日夜無作種繼照炬催檢賊自暗中射之兩箭洞
身帝聞變大驚明日還宮種繼既薨年四十九帝甚

悼惜贈正一位左大臣搜索其賊捕獲左少辨大伴
繼人近衛伯耆掾麻呂中衛壯鹿本積麻呂及大伴
竹良等勅右大辨石川名足推問掾麻呂先歎曰主
稅頭大伴真麻呂大和太掾大伴夫子春宮少進佐
伯高成及竹良等遣掾麻呂與木積麻呂射種繼繼
人高成等歎曰大伴家持首造此謀嘗白皇太子曰
宜倡大伴佐伯兩氏以除種繼鞠問餘黨皆服於是
首惡繼人高成真麻呂竹良等伏誅縛掾麻呂木積
麻呂告種繼柩而斬之於山崎橋南家持既沒追削
其官爵自餘緣坐貶竄者甚多詔聲其罪布告百官

是日廢皇太子

續日本紀
紀畧水鏡

大同四年贈太政大臣

補任

要記稱弘福院大臣子仲成山人髮麻呂世嗣藤生湯

守山人正五位下刑部卿圖系髮麻呂桓武朝歷皇后

宮大進相摸守

續日本紀

至從四位下性闇劣流酒酒色

徒以門望歷職內外弘仁初卒世嗣延曆中為大學

頭天長中至從四位上為人謙避不耻下問恭謹接

人後守伊勢會兄計至百里奔赴尋平

類聚藤生從國史

五位下大隅守

圖系

湯守延曆初有罪除籍六年賜姓

井手宿禰

續日本紀
本書不載
湯守官銜今無所考

仲成桓武平城朝累官至從四位上北陸道觀察使

兼右兵衛督

紀畧
補任

性狼抗使酒昭穆無次有忤於心

不憚擊斃

紀畧

女弟樂子為內侍專寵仲成怙勢驕恣

王公宿德多見凌辱道路側目及嵯峨即位樂子勸

上皇重祚遷都仲成密助其謀上皇惑而納其說以

仲成為造宮使人情恟懼帝奪樂子職囚仲成于右

兵衛府使左近衛將監紀清成右近衛將曹住吉豐

繼射殺之初仲成娶民部大輔江人女其姨有姿

色仲成欲強姦之姨避匿佐味親王家仲成聞而大

怒責王及母夫人醜詆極口及誅聞者快之

紀畧
水鏡

大中臣清麻呂本姓中臣祭主可多能祐大連四世

孫也曾祖國子舒明時小德冠前事奏宮兼祭官祖
國足孝德時為祭主父意美麻呂亦為祭主大鏡大
圖按補任一說吉田系圖以意美麻呂為鎌足子而
大中臣系圖藤原系圖並曰可多能祐三子長御食
子次國子次美麻呂御食子生鎌足國子生國天智
足國足生意美麻呂補任本說又同故今從之
時與鎌足同改賜姓藤原朝臣圖鎌足傳之神道授
以傳神錄名法要集神代與文武以其奉神事詔復
舊姓和銅中仕中納言兼神祇伯至正四位上續日
清麻呂繼祖為祭主天平中為神祇大佐兼式部大
丞叙從五位下累遷神祇大副丁母憂不聽解任既
而遷尾張守續日本紀系圖○系圖曰天平十九年

張守時元正上皇不豫左大臣攝諸兄奏不豫疑由
祭主清麻呂廷外仕守即以益人為相模守且清麻
呂至勝寶六年再神祇大副為勝寶中進從五位上
系圖所載難取信附以候明證
復為神祇大副補左中辨文部大輔寶字初累進正
五位上六年進從四位下侍中宮院宣傳勅旨是歲
拜參議尋為左大辨兼攝津大夫續日本紀八年改神祇
伯進正四位下系圖神護元年加勳四等供奉大嘗
事詔曰神祇伯中臣清麻呂其心如名清慎勤恪久
奉神祇朕有嘉焉特授從三位景雲二年拜中納言
明年六月詔曰神詔有言大中臣而中臣清麻呂再
仕神祇官供奉無失是以賜姓大中臣朝臣寶龜元

年進正三位拜大納言二年兼東宮傳左大臣藤原
永手病使清麻呂攝其職未幾拜右大臣叙從二位
仍領祭主神祇伯及大嘗祭神壽詞賜絕六十匹車
駕幸其第授正二位妻正五位下多治比古奈補正
五位續日本紀清麻呂以衰老不堪詣大神宮請讓祭
主職於男子老因以子老為神祇大副續日本紀既而
再上表請罷職優詔不許饗唐客於私第賜綿三十
屯頃之賜備前邑久郡荒田百餘町桓武即位又乞
骸骨許之賜以心杖清麻呂歷事數朝為國耆老朝
儀國典多所諳練在官視事老而匪懈延曆七年薨

年八十七續日本紀初中臣忌部兩氏同掌祀典世所並

稱而忌部氏子孫衰微唯中臣氏世其職云拾遺子

繼麻呂諸魚繼麻呂正五位下美濃守續日本紀諸

魚光仁桓武朝歷官內外延曆中拜神祇伯加參議

續日本紀兼近衛大將丁母憂先是諸魚上表牒曰中臣

氏任神祇伯是天照大神神主也累世相承雖遭喪

不解職至是勅曰雖不躬喪紀不可供神事宜服其

喪紀尋為兵部卿歲餘補左大辨至正四位上補十

六年卒年五十五紀繼麻呂子淵魚

淵魚大同四年以叙從五位下弘仁天長間歷神祇

大副爲伯至從四位上之性謹密諳練神事爲祭主
二十八年兼和中致仕家居謝絕人事優游卒歲嘉
祥三年卒年七十七續日本後紀

正棟諸魚孫也父知治麻呂從五位上備中守正棟
幼而警悟孝順天至遭父喪殆致毀滅服闋就學以
幹敏稱弘仁末擢爲內舍人尋喪二兄正棟素有出
塵之志頓經家艱觸事感動遂披剃爲僧改名壹演
服膺金剛般若經研精不倦又受真言密教於真如
親王自是識業大進去留任意無所止住甯泉扁舟
隨漂蕩至河陽橋邊遂寓水次有一老嫗推宅與壹

演曰此地累世商賈之屢逐魚鹽之利願就此建精
舍以留住壹演將創基鏟地得古佛像帝聞而奇之
勅木工寮營造堂宇賜額相應寺壹演聚黑土築方
丈壇安置佛像檀土倣然變白恰似塗粉見者無不
嗟嘆壹演持咒能除病患帝甚重之負觀中授權僧
正上表固辭不允既而罹疾駕舩浮於水上奄然而

逝謚慈濟

三代實錄

國雄正棟兄式部少丞良楨子也大中臣系圖幼而聰明
超越等倫八歲喪父事叔父壹演及長有操尚性愛
閑寂好讀書志在該通壹演欲使之爲僧因改名定

進勸學經史國雄從其言負笈尋師精勸強識遂通
九經之史老莊等書隨扣而應舉秀才為文章得業
生未及試擢授從五位下系圖裏書引至祭主神祇

大副系圖

和氣清麻呂備前藤野郡人宇佐託宣集曰右京人今考姓氏錄亦載和氣

氏於右京別二書皆據清麻呂其先出自鐸石別貫附京印以後耳今從續日本紀

命託宣集鐸石別命曾孫第彥王應神帝時以軍功

賜吉備磐梨縣因家焉生氏錄○託宣集曰第彥王以軍功封藤原縣續日本紀

曰神龜三年改備前藤原郡為藤野郡景雲三年以藤野郡為和氣郡延曆七年割和氣郡河西建磐梨郡蓋磐梨藤原神龜以前所置縣也然清麻呂蓋第

不知陞縣為郡及何年軍名附以備焉

彥王十二世之孫也舊姓磐梨別公後改藤野別真

人為入抗直叙從六位上為右兵衛少尉神護中校

勳六等改賜姓吉備藤野和氣真人進從五位下遷

近衛將監兼美濃大掾賜封五十戶續日本紀託宣集系圖景

雲中又改賜姓輔治能真人帝素敬宇佐神如事生

其所憑語無事不從及寵僧道鏡為法王大宰主神

中臣習宣阿曾麻呂希旨矯奏八幡神教言令道鏡

即皇位天下大平於是帝召清麻呂於御床下曰昨

夜夢八幡神使來曰大神欲憑汝姊尼法均有所言

汝宜代法均往臨發道鏡瞋目按劍謂清麻呂曰大

神欲使我即位今所所以請使者蓋為此也汝詣宇
仇奉神教使我得所欲則授汝太政大臣委以國政
如違我言則處重刑時有路豐永謂清麻呂道鏡登
天位吾何面目事之乎吾將與二三子從伯夷而游
清麻呂誓死而往詣神宮請教續日本紀神憑語
曰我國家開闢以來君臣之分定矣以臣為君未之
有也天日嗣必立皇緒無道之人宜迅掃蕩清麻呂
還奏如其言道鏡大怒解清麻呂本官出為囚幡負
外从未之任追咎與其妙法均矯神教欺罔朝廷攸
姓名別部撤麻呂流于大隅續日本紀○託宣集曰

將陳宣命神憑曰神寶有聖意所職不忍卻如宣命
不待汝言而信願示異忽有物而現如滿月清麻呂
大無道窺望神器又曰我國家君臣之分定矣而道鏡
逆無道窺望神器又曰我國家君臣之分定矣而道鏡
勿起雷震晦冥清麻呂又曰我國家君臣之分定矣而道鏡
雲閃閃殿上少問神憑曰宜乞哀稍仰視有五色焰
相繼永世不可易而今茲為宰輔古所未嘗有况即
位乎天下豈得一易而神憑曰宜乞哀稍仰視有五色
匍而退天即朗然清麻呂如飯帝與道鏡並坐石清麻
呂問神語以實奏帝愠然道鏡曰汝與道鏡並坐石清
乍青乍赤重刑帝許之斷其脰筋流于伊豫今從來
神意請處重刑帝許之斷其脰筋流于伊豫今從來
書道鏡使人殺清麻呂於道俄雷雨晦冥命若猶豫
會勅使來免參議藤原百川愍其忠烈割備後封二
十戶與之紀畧託寶龜元年三月清麻呂自謫所上

書曰伏聞人臣之禮盡忠無貳致命之道泥肝不避遺顯名於後代流切業於無窮斯則忠臣所以臨危致命義士所以忘身存節臣清麻呂再奉使宇佐大神宮請問國家大事大神之教不合西命按續日本紀清麻呂奉使一回此云再奉未詳又竊惟信者國之重寶豈可顧身亡寶乎又至尊至威君之與神誰敢乖乎故復命之日直言不避其大神與西方不和非唯今日事明先奏臣依神語作奏文詳畧二道畧本上西方詳本獻御所按此時光仁未立道鏡專恣無具衆輿御所蓋指道鏡而言也又嚮阿曾麻呂語臣曰大神不和者從前然矣若按前後奏

狀涇渭自分神威由致今臣畏罪不言則恐非臣民之道故畧而陳之去年奉勅昨夜夢有大神使來曰欲見法均尼有所附奏叡慮以為此必天位之事差清麻呂代法均受教臣敬畏戰慄自顧任非已分何能堪之歸命佛神結心負信荷重旨而履薄冰引蹇足以臨深淵既而祝曰臣是神之所召至尊以代耳目伏願立示靈異顯答聖旨大神憑祝韓島勝與曾咩誠臣吾言莫令聞西方臣祝曰國家大事臣難獨奏先獻憑語之狀即作奏文二道一藏神宮之前一附使獻之中有大事二条外有小事一條大事一屏

逐汚濁之人二天之日繼如人握鏡正而莫倚小事
宮雖同殿須異伏思非神明誰得言之如不從則恐
違神旨又臣獄中聞民語大神憑曰吾今遷於此大
隅當速立祠海中造島神等未得所依亦宜立祠今
之所憑事理當然是以敢書腹心謹奏託宣是歲光
仁踐祚竄道鏡於下野復清麻呂姓名召還之明年
復本位為播磨負外續日本紀○託宣集水鏡及
清麻呂之故竄道鏡斷其脛筋不能起至是欲詣八
幡宮與病就路過豐前宇佐那楮田村有野猪可三
百夾路前驅十許里及拜宮起坐彼常神憑語賜神
劍二口神封綿八萬餘屯乃領宮司以下國中百姓
面見之莫遷豐前守先是宇仇八幡宮司等屢託神
不嘆異

語造妖言前後國司一無所問清麻呂與太宰府監
典主典各一人卜部三人詣神宮灼龜卜神語實否
請府行黜陟託宣既而清麻呂廣蟲並賜今姓續日本紀
清麻呂先瑩在備前遭敗竄後人伐其木及枚還上
疏陳狀詔以清麻呂為美作備前兩國造高祖又佐
渡良已下並贈國造按系圖曾祖仗波豆以下天應
元年進從四位下延曆中為攝津大夫叙從四位上
兼民部大輔中宮大夫奏言河內攝津之東鑿川築
堤自荒陵南導河內川西通於海則沃壤益廣可以
墾闢奏可遣清麻呂勾當其事又奏備前和氣郡河

西百姓一百七十餘人詣白奴等舊赤坂上道二郡
東邊之民也神護二年割隸和氣郡方今郡治在藤
野鄉有大河每遭雨水公私難通河西屢闕公務詣
河東依舊為和氣郡河西建磐梨郡其藤野驛家置
於河西以避水害無均勞逸許之尋進正四位下日續
本時營長岡新都十歲未成所費不貲清麻呂密奏
請訖遊獵相葛野地以遷都不報十五年進從三位
未幾乞骸骨不許賜功田二十町以傳子孫補任訖
宣集
十八年薨年六十七贈正三位清麻呂多所通曉最
明故事撰民部省例二十卷又奉中宮教撰和氣氏

譜上之帝甚善之

紀畧訖
宣集

嘗墾田一百町於備前永

為賑之資鄉民賴之

訖
宣集

子廣世真綱仲世

廣世起家補文章生延曆中坐事禁錮遇赦除少判

事授從五位下為式部少輔聽帶劔

紀畧訖
宣集

為大學

別當請納私田二十町為勸學料定明經四科會諸

儒於大學講論陰陽藥經大素等書以大學南私宅

置弘文院藏書數千卷以墾田四十町永充學料以

終父志

訖
宣集

真綱少遊大學頗涉史傳弱冠補文章生弘仁天長
間累官內外兼和七年為參議十三年卒年六十四

真綱稟性敦厚忠孝無資臨職執事未嘗阿枉法隆
寺僧善愷告少納言登美直名犯法太政官欲據實
判或援直名反誣及以為許容違法之詐勅明法博士
斷之衆皆畏避不敢正言真綱慨然謂塵埃之路行
人掩目枉判之場孤直何益不如去職高尚其志因
解官杜門謝絕人事尋卒素歸佛乘天台真言兩宗
之立廣世真綱之力也續日本後紀初清麻呂使宇佐還
欲立伽藍安佛像經論以助神威遭竄不果延曆中
私叙河內神護寺真綱為河內守與弟仲世等請廢
定額高雄寺以神願寺為定額改號神護國祚真言

寺簡僧十四口修密法沙彌十四口轉讀守護國叟
主經調和風雨成熟五穀經等晝夜不斷聲七年預
得度聽之每年度一人限一世賜備前水田二十町
為功田以傳四世類聚國史初為少將割俸出財買攝津
良田以贍士卒至今賴之續日本後紀子觀光為佐渡守
觀光子時雨潛心醫學兼精針術兼平中中試為醫
博士天曆中為典藥頭康保二年卒年六十七和氣
氏業醫自時雨始系圖
仲世年十九舉文章生大同初為大學大允終於從
四位上播磨守性至孝奉公忠謹每寢未嘗趾宮闕

初為近江人所得俸祿悉賑貧民為彈正大弼臺無
南門奏移中院西門以為臺門出私財買近江高島
郡田五町充厨費及為播磨守清靜而化民懷其惠
仁壽二年卒百姓慕之子貞臣字和仁系圖為真綱
子今從大德
錄實幼喪母哀戚過禮叔父真綱深愍之弱冠從治部
卿安倍吉人受老莊吉人奇之為人聽敏質朴不留
意于雜藝唯好圍碁後入大學研精不輟兼和中舉
秀才補文章得業生對策不第數歲拜大學大允遷
大內記至從五位下年三十七卒于官時人惜焉續
本後紀文
德實錄

天保十三壬寅年八月二十八日謹書寫之

中村萬喜直道

